

EPOKA

ERE

E përditshme e pavarur
Viti XXI, nr. 6344
E martë, 22 qershor 2021
çmimi 0.40 €

Kurti takon Kamberin,
bisedojnë për të drejtat e
shqiptarëve në Serbi | FAQE 7



Na ndiqni edhe në:

www.epokaere.com



facebook.com
Gazeta "Epoka e re"

AWR **ABBRUCH** GMBH
www.awr-abbruch.de

FLET PËR "EPOKËN E RE", VALON MURATI | FAQE 4-5

KURTI NUK ËSHTË I INTERESUAR PËR MARRËVESHJE ME SERBINË

Kryetari i Lëvizjes për Bashkim, Valon Murati, ka thënë se nuk pret ndonjë marrëveshje të shpejtë ndërmjet Kosovës dhe Serbisë. Në këtë intervistë dhënë gazetës "Epoka e re", ai ka thënë se kryeministri Kurti është shumë më i interesuar për vazhdimin e status-quo. Murati ka treguar se kjo po ndodh, sepse zgjidhjet që mund të dalin nga procesi i dialogut nuk janë populiste. Sipas tij, kryeministri Kurti në asnjë çast nuk ka treguar ndonjë gatishmëri për t'iu qasur këtyre bisedimeve me seriozitetin që ato e meritojnë. Murati është shprehur i bindur se ripërcaktimi i kufijve në mes të dy shteteve është opsioni i vetëm që Kosovën e bën funksionale. Ai ka theksuar se dinamikën e dialogut të Brukselit mund ta shpejtojnë vetëm amerikanët



OPINION

LUFTËTAR DHE KOMANDANT
NË LUFTËN PËR ÇLIRIM | F. 8



Shkruan: Azem SYLA

AKTUALE



KONJUFCA NË BUNDESTAG:
INSTITUCIONET GJERMANE
QËNDROJNË FUQISHËM PRANË
POPULLIT TË KOSOVËS | F. 3

SBASHK-U DËRGON 452
ANËTARË PËR PUSHIME NË
BREGDETIN SHQIPTAR | F. 7



EKONOMI



BIZNESET KËRKOJNË MË SHUMË
PARA NGA QEVERIA | F. 10

**RASTI I PJETËR
SHALËS NË
SPECIALE, GJYKATA
URDHËRON
PROKURORINË TA
DORËZOHË DOSJEN
DERI MË 19 NËNTOR**



**USHTARI I FSK-SË ZË
VENDIN E PARË NË
GARËN "USHTARI MË I
MIRË" NË KROACI | FAQE 3**

RENOVA
PUTZ
Maqedoni
Xhepcisht-Tetovë
Gurëz-Ferizaj
Tel: +389 44 487 300; +389 44 487 009
+389 44 487 755
Fax: +389 44 487 200
Mob: +377 44 501 289
E-mail: renova@mt.net.mk

PRINCESHA
GROUP SH.P.K.
NDËRTIM
PROJEKTIM
SHITJE
INFO: 049-111-101,
044-511-177
www.princesha-ks.com

Bunjamini
FABRIKA E LLAQEVE
MITROVICË
044/256-051
044/367-061
028/532-617
STYROKOL · BUNJAKOL · EUROFASADË

Kolegji BIZNESI
www.kolegji.biznesi.com
info@kolegji.biznesi.com
030 500 878 | 045 500 878
044 500 878 | 049 500 878

SIGMA
VIENNA INSURANCE GROUP
SIGMA INTERALBANIAN VIENNA INSURANCE GROUP SH.A
DEGA KOSOVË
Rruga "Pashko Vasa", p.n Prishtinë, Kosovë,
Tel: +381 (0)38 246 301 Fax: +381 (0)38 246 302,
E-mail: info@sigma-ks.net | www.sigma-ks.net

INFINITY
Digital Agency
Endrit Shaqiri
+38344685122
Internet Website,
Marketing...

Izraeli lejon disa eksporte nga Gaza

JERUSALEM, 21 QERSHOR - Izraeli ka filluar ta lejojë eksportin e kufizuar tregtar nga Rripi i Gazës. Vendimi, të cilin autoritetet izraelite e quajtën të “kushtëzuar”, pason pas armëpushimit të arritur në mes të Izraelit dhe militantëve të Hamasit pas një lufte 11-ditore të zhvilluar në muajin maj. Zyrtarët e kufirit të Gazës thanë se lehtësimi i kufizimeve izraelite do të zgjasë dy deri në tre ditë dhe do të zbatohet për mallrat bujqësore dhe disa tekstile.

Izraeli kontrollon në mënyrë të ashpër vendkalimet e Gazës, me mbështetjen nga Egjipti fqinj. Gjatë luftimeve të muajit maj kufizimet izraelite u shtuan duke ndaluar të gjitha eksportet.

Pas arritjes së armëpushimit të ndërmjetësuar nga Egjipti, Izraeli tha se disa eksporte do të lejohen të kalojnë përmes territorit të tij që nga e hëna në mëngjes. “Pas një vlerësimi të sigurisë, është marrë vendimi për ta mundësuar eksportin e

kufizuar të prodhimeve bujqësore nga Rripi i Gazës”, ka njoftuar Ministria e Mbrojtjes e Izraelit.

Masa u miratua nga qeveria e kryeministrit të ri izraelit, Naftali Bennett.

Në sektorin e tekstitil punojnë rreth 10 000 njerëz, nga rreth dy milionë banorët e Gazës. Ministria e Bujqësisë e Gazës tha se fermerët kishin humbur 16 milionë dollarë për shkak të kufizimeve në eksporte.

Lufta 11-ditore në Gazë filloi pasi militantët palestinezë sulmuan me raketa qytetet e Izraelit pas një periudhe tensionesh në Jerusalem. Nga luftimet mbetën të vrarë 260 palestinezë, përfshirë disa luftëtarë, thanë autoritetet e Gazës. Në Izrael, 13 njerëz u vranë, duke përfshirë një ushtar, nga raketa të lëshuara nga Gaza, thanë policia dhe ushtria.

Izraeli, ShBA-ja, BE-ja dhe vende të tjera e konsiderojnë Hamasin, që udhëheq Gazën, si organizatë terroriste.



Gjermania arreston një shtetas rus për spiunazh

BERLIN, 21 QERSHOR - Autoritetet e Gjermanisë njoftuan se kanë arrestuar një shtetas rus nën akuzat se ka dërguar informacione të ndjeshme nga një universitet gjerman në Moskë. I dyshuari u identifikua vetëm si Ilnur N. dhe, sipas njoftimit, ai këtë veprim e ka bërë në këmbim të një pagese. Zyra e Prokurorit Publik Federal përmes një deklarate më 21



qershor tha se “i dyshuari kishte punuar për një shërbim sekret rus që nga fillimi i tetorit 2020”.

Më 18 qershor forcat e sigurisë e arrestuan dhe e dërguan në paraburgim.

Njoftohet se ai ka punuar asistent i hulumtimeve në një universitet gjerman, emri i të cilit nuk u bë i ditur. I dyshuari është takuar me një anëtar të

një shërbimi sekret rus të paktën tri herë midis tetorit 2020 dhe qershorit 2021.

Sipas prokurorëve, në këmbim të një pagese, ai ka dorëzuar informacione në të paktën dy prej këtyre takimeve.

Në pritje të një padie të mundshme, një gjykatës në Gjykatën Federale ka urdhëruar masën e paraburgimit për të dyshuarin.

Kryeministri armen fiton zgjedhjet

JEREVAN, 21 QERSHOR - Kryeministri armen Nikoll Pashinian pretendon se ka fituar në zgjedhjet e parakohshme parlamentare të Armenisë.

Rezultatet paraprake e nxorën fituese partinë e tij, por koalicioni kryesor i opozitës hodhi poshtë rezultatit me pretendimet se kishte mashtrime në zgjedhje.

Bazuar në rezultatit paraprak të zgjedhjeve që u mbajtën më 20 qershor, partia e Pashinianit “Kontrata Qytetare” fitoi 53.9 për qind të votave, ndërsa Aleanca e Armenisë e ish-presidentit Robert Kocharian mori 21 për qind. “Populli i Armenisë i dha partisë sonë një mandat për ta udhëhequr vendin dhe personalisht mua si

kryeministër. Ne tashmë do të kemi një shumicë bindëse në parlament”, ka thënë Pashinian, duke ftuar mbështetësit e tij që të dalin në sheshin e Jerevanit.

Aleanca e Kocharian ka theksuar se nuk do t'i njihet rezultatet derisa të adresoheshin parregullsitë e pretenduara të procesit të votimit.



Bie qeveria në Suedi

STOKHOLM, 21 QERSHOR - Parlamenti i Suedisë ka mbështetur me votë mosbesimi ndaj kryeministrit të qendrës së majtë, Stefan Lofven. Ai bëhet kryeministri i parë që rrëzohet nga deputetët e opozitës në historinë e vendit, duke i dhënë atij një javë kohë për të dhënë dorëheqje ose për të thirrur

zgjedhje të parakohshme. Votimi, i thirrur nga demokratët nacionalistë të Suedisë një vit para zgjedhjeve të përgjithshme, e fut Suedinë përsëri në pasiguri politike. Koalicioni i brishtë social-demokrat dhe jeshil i L Greenfven është mbështetur nga dy parti të vogla të qendrës së djathtë dhe ish-partia e

majtë komuniste. Mocioni, i votuar nga të gjithë 349 deputetët, pavarësisht nga kufizimet e Covidit, i duheshin 175 vota për të kaluar dhe mori 181. Udhëheqësi Demokrat i Suedisë, Jimmie Akesson, i tha parlamentit se qeveria ishte historikisht e dobët dhe “nuk duhej të kishte ardhur kurrë në pushtet”.



Ushtari i FSK-së zë vendin e parë në garën "Ushtari më i mirë" në Kroaci

PRISHTINË, 21 QERSHOR (ER) - Në Poligonin Ushtarak "Eugen Kvaternik" në Slunj të Kroacisë u mbajt gara ndërkombëtare e "Ushtarit më të mirë" për vitin 2021. Gara e "Ushtarit më të mirë" u realizua në periudhën kohore 13-19 qershor 2021, ku pjesë e saj ishin edhe dy pjesëtarë të

Forcës së Sigurisë së Kosovës (FSK) si dhe ushtarakë nga Shqipëria, Bosnja dhe Hercegovina, Maqedonia e Veriut, Franca, Sllovenia, Shtetet e Bashkuara të Amerikës dhe Britania e Madhe. "Me përkushtimin, angazhimin dhe performancën e lartë të

treguar gjatë kësaj gare, tatar Sokol Ahmeti nga Regjimenti i Parë i Këmbësorisë i Komandës së Forcave Tokësore të FSK-së, në mesin e shumë garuesve, ka arritur të dalë i pari, duke u shpallur "Ushtari më i Mirë Ndërkombëtar për vitin 2021", thuhet në njoftimin për media.



Rasti i Pjetër Shalës në Speciale, gjykata urdhëron prokurorinë ta dorëzojë dosjen deri më 19 nëntor

HAGË, 21 QERSHOR (ER) - Gjatë konferencës së dytë mbi ecurinë e çështjes në rastin e ish-komandantit të UÇK-së, Pjetër Shalës, gjyqtari paraprak Nicolas Guillou ka urdhëruar Zyrën e Prokurorit të Specializuar (ZPS) që deri më 19 nëntor t'ia dorëzojë dosjen paragjyqësore dhe materialet e tjera të këtij rasti.

Në konferencën e mbajtur të hënën, palët në procedurë kanë diskutuar një mori çështjesh, si nxjerrja e materialeve, hetimet e mbrojtjes e ZPS-së e mocionet paraprake. Lidhur me pikën e parë të diskutimit, që ishte ajo e nxjerrjes së materialeve nga ana e ZPS-së, nga kjo zyrë u tha se po vazhdohet siç është parashikuar dhe se janë respektuar të gjitha afatet e nuk ka pasur vështirësi. "ZPS do t'i respektojë afatet e përcaktuara në vendimin kundër, e kemi nxjerrë në kohë aktakuzën, përshkrimin e hollësishëm, materialin e 102 (1) a dhe 102 (1)b, me redaktime standarde. Jemi takuar disa herë me mbrojtjen në kuadër për përpjekjet për t'iu dhënë materialet që u duhen. Takimet kanë qenë produktive. Po vazhdojmë të punojmë në mënyrë sistematike dhe të organizuar. Në lidhje me materialet, më 11 qershor, ato, në fakt, përmbanin materiale të rregullës 102 (1) (a)", ka thënë prokurori i ZPS-së, duke shtuar se më 19 maj ka



përfunduar nxjerrja e këtyre materialeve. Kurse nga ZPS u tha se ka filluar procesi në lidhje me materialet e rregullës 102 (3), i cili do të përfundojë më 30 korrik.

Avokati i Pjetër Shalës, Jean-Louis Gilissen, ka bërë me dije se synojnë të dorëzojnë mocion për ta kundërshtuar juridiksionin e gjykatës dhe një mocion që kundërshton formën e aktakuzës. "Ne kërkojmë shtyrje të afatit për t'iu dorëzuar mocionet paraprake deri më 11 korrik 2021. Mocionet paraprake janë elemente thelbësore të mbrojtjes për Shalën, por janë edhe komponent i rëndësishëm i kësaj çështje.

Deri më 11 korrik kemi nevojë ta bëjmë siç duhet këtë mocion paraprak", ka thënë avokati mbrojtës.

Më tutje, nga ZPS është thënë se nuk kanë kundërshtim për shtyrje të afatit, ndërsa për afatin e përgjigjes së tyre kanë konsideruar se dy javë janë të mjaftueshëm për t'iu përgjigjur mocioneve të mbrojtjes. Ndërsa, mbrojtja ka thënë se sa i përket afatit për kundërpërgjigje ndaj përgjigjes së ZPS-së, u nevojitet afati kohor prej dy javësh të plota. Më pas, gjyqtari Nicolas Guillou ka nxjerrë urdhër me anë të të cilit mbrojtja është obliguar që ta dorëzojë mocionin paraprak brenda

datës 12 korrik, kurse ZPS të kthejë përgjigje brenda datës 13 gusht dhe mbrojtja ta parashtrijë kundërpërgjigjen brenda 30 gushtit.

Shala nuk ka qenë i pranishëm në sallë, por seancën e ka përcjellë me videolink. Konferenca e radhës ndaj Shalës do të mbahet në gjysmën e muajit shtator. Ish-komandanti i UÇK-së u arrestua më 16 mars 2021 nga autoritetet belge dhe u transferua në Hagë më 15 prill 2021, në bazë të një kërkesë për bashkëpunim në zbatimin e fletarrestimit dhe urdhrit për transferim lëshuar nga Dhomat e Specializuara të Kosovës.

Në aktakuzën e konfirmuar, Shala ngarkohet me përgjegjësi penale individuale në forma të ndryshme për krime lufte si ndalim arbitrar, trajtim mizor, torturë dhe vrasje të paligjshme, të kryera në kontekstin e konfliktit të armatosur jondërkombëtar në Kosovë dhe në lidhje me këtë konflikt. "Krimet për të cilat akuzohet z. Shala u kryen përafërsisht midis 17 majit 1999 dhe 5 qershorit 1999, kundër personave që u mbajtën të ndaluar në Fabrikën e Metalit në Kukës (Shqipëri), që pretendohet se përdorej prej Ushtrisë Çlirimtare të Kosovës", thuhet në komunikatë.

Specialja lejon vizitat e familjarëve të ish-krerëve të UÇK-së nga 15 korriku

Në konferencën e së hënës është bërë me dije nga administrata se për shkak të përmirësimit të situatës me Covid-19, familjarët e të akuzuarve që deri më tani kanë kontaktuar vetëm përmes platformës online zoom, mund t'iu takojnë ata edhe fizikisht nga data 15 korrik.

Konjufca në Bundestag: Institucionet gjermane qëndrojnë fuqishëm pranë popullit të Kosovës

PRISHTINË, 21 QERSHOR (ER) - Kryetari i Kuvendit të Kosovës, Glauk Konjufca, ka takuar të hënën në Berlin kryetarin e Bundestagut gjerman, Wolfgang Schauble. "Në takimin e përzemërt me dr. Schauble e falënderova për mbështetjen e

vazhdueshme të Gjermanisë për Kosovën. Diskutuam gjatë rreth zhvillimeve historike e politike për Kosovë dhe rajon, si dhe për sfidat që paraqiten në rrugëtimin e stabilizimit të rajonit, luftimin e pandemisë, rimëkëmbjen

ekonomike dhe dialogun me Serbinë, si dhe finalizimin e procesit të liberalizimit të vizave", ka thënë Konjufca pas takimit. Ai ka theksuar se Bundestagu dhe institucionet gjermane qëndrojnë fuqishëm pranë dhe me popullin e Kosovës.





FLET PËR "EPOKËN E RE", VALON MURATI

Kurti nuk është i interesuar për marrëveshje me Serbinë

Kryetari i Lëvizjes për Bashkim, Valon Murati, ka thënë se nuk pret ndonjë marrëveshje të shpejtë ndërmjet Kosovës dhe Serbisë. Në këtë intervistë dhënë gazetës "Epoka e re", ai ka thënë se kryeministri Kurti është shumë më i interesuar për vazhdimin e status-quos. Murati ka treguar se kjo po ndodh, sepse zgjidhjet që mund të dalin nga procesi i dialogut nuk janë populiste. Sipas tij, kryeministri Kurti në asnjë çast nuk ka treguar ndonjë gatishmëri për t'iu qasur këtyre bisedimeve me seriozitetin që ato e meritojnë. Murati është shprehur i bindur se ripërcaktimi i kufijve në mes të dy shteteve është opsioni i vetëm që Kosovën e bën funksionale. Ai ka theksuar se dinamikën e dialogut të Brukselit mund ta shpejtojnë vetëm amerikanët

Muhamet KOCI

Prishtinë, 21 qershor -

"Epoka e re": Z. Murati, më në fund ka ndodhur takimi i parë ndërmjet kryeministrit të Kosovës, Albin Kurti dhe presidentit të Serbisë, Aleksandër Vuçiq, në kuadër të vazhdimit të dialogut Kosovë - Serbi. Cili është vlerësimi juaj

për këtë takim?

Murati: Në kuadër të dialogut Kosovë - Serbi kjo ishte pjesëmarrja e parë e kryeministrit Kurti në një takim të tillë. Ishte, po ashtu, takimi i tij i parë në kuadër të dialogut me presidentin Vuçiq. Në asnjë variant nuk kam pritur ndonjë rezultat nga ky takim, jo vetëm për faktin se ishte takimi i parë dhe do të ishte naive të

ngjallehin shpresa për ndonjë rezultat por, mbi të gjitha, se duket e qartë se kryeministri Kurti, ashtu si edhe shumica e kryeministrave të Kosovës në të kaluarën, janë më shumë të interesuar për vazhdimin e status-quos sesa për arritjen e ndonjë rezultati konkret në bisedimet me Serbinë. Asnjë nga zgjidhjet që mund të dalin nga dialogu nuk janë populiste,

andaj edhe kryeministri ynë, i ngritur në politikë me agjenda populiste, nuk do të preferojë të ecë rrugëve të vështira. Rrugëve që do të duhej të ecnin burrështetasit e vërtetë e vizionarë e të cilët me guxim do të duhej të punonin që duke shfrytëzuar dialogun, ta lironin Kosovën nga barra e rëndë e problemeve me Serbinë. Kryeministri Kurti realisht e ka shfrytëzuar këtë takim dhe qëndrimet që i ka paraqitur aty në funksion të agjendës së brendshme politike. Mbi të gjitha, me qëndrimet kinse të forta para Vuçiqit, ka bërë përpjekje t'i neutralizojë kritikën për pjesëmarrjen në këtë tryezë dialogu, pa u plotësuar kushtet të cilat ai në të kaluarën i ka vendosur si kushtëzim për pjesëmarrjen e tij dhe të Kosovës në dialog. Por në asnjë moment unë nuk kam arritur të lexoj ndonjë gatishmëri të kryeministrit Kurti për t'iu

qasur bisedimeve me seriozitetin që ato e meritojnë. Në anën tjetër, Serbia, duke qenë në një pozitë më të favorshme, po ashtu nuk është e interesuar fort për rezultatet e dialogut. Edhe presidenti Vuçiq në rolin e tij tanimë të njohur të 'viktimit' dialogun dhe qëndrimet në të i formulon në raport me opinionin e brendshëm, sidomos duke pasur parasysh zgjedhjet serbe të pranverës të vitit të ardhshëm. Realisht qasja e të dyja palëve është që para faktorit ndërkombëtar të dalin mirë dhe të bëjnë përpjekje që palën tjetër ta paraqesin si penguese të dialogut. Vetë prezantimi i katër pikave nga kryeministri i Kosovës e kishte në vete edhe këtë qëllim, pra që t'i tregohej BE-së se Kosova është konstruktive, duke pasur parasysh edhe faktin se në vitet e fundit ajo është trajtuar si pengesa e dialogut.



“Epoka e re”: Kurti i bëri publike propozimet që kishte paraqitur në takim. Si i keni parë këto propozime?

Murati: Siç theksova, nuk i kam parë si propozime për t'i zgjidhur problemet, por si taktikë për ta vendosur palën tjetër në pozicion defansiv në raport me BE-në dhe, mbi të gjitha, të arrihet një fitore në planin e brendshëm. Pika e parë, ajo e shndërrimit të CEFTA-s në SEFTA (pra me përfshirjen në marrëveshjen e tregtisë së lirë vetëm të shteteve të Ballkanit Perëndimor të cilat nuk janë pjesë e BE-së) dhe krijimi i një zone të përbashkët ekonomike në mes të SEFTA-s dhe BE-së nën modelin e BE-së dhe të EFTA-s (Zona Ekonomike Evropiane) është, pak a shumë, propozim i paketuar me emër tjetër për idetë dhe projektet që qarkullojnë në Ballkan vitet e fundit në kuadër të Procesit të Berlinit si Mini Shengeni, Zona Ekonomike Ballkanike etj. Ky propozim është një sinjal se qeveria Kurti është e gatshme të futet në proceset integruese ballkanike të cilat janë refuzuar deri më tani nga Kosova, por duke u dukur se po i jep inputet e veta origjinale në këtë proces. Në fund të fundit, angazhimi, qoftë i BE-së, qoftë i vendeve të Ballkanit Perëndimor në integrimet rajonale, dëshmon se procesi i integritit të rajonit në BE do të jetë më i gjatë sesa është menduar fillimisht. Në anën tjetër, pika mbi paktin për mossulmim në mes të Kosovës dhe Serbisë, ndonëse në vështrim të parë mund të duket shumë dinjitoze, sepse lë mundësinë që Kosova mund të ketë kapacitete sulmuese e jo vetëm Serbia, në të vërtetë është krejtësisht e shkëputur nga realiteti në kontekstin e politikave të sigurisë rajonale. Përgjegjës për sigurinë në Kosovë është KFOR-i, përkatësisht NATO-ja, dhe jo vetëm që Kosova dhe ushtria jonë synon të jetë një partnere e NATO-s, por ajo edhe sot bashkëpunëtoresh kryesore e ka fuqinë dhe shtyllën kryesore të NATO-s - ShBA-në. Andaj edhe as nuk mund të flitet për ndonjë potencial ofensiv të Kosovës në kundërshtim me NATO-n dhe ShBA-në. Në anën tjetër, pavarësisht prej politikave agresive të Serbisë si dhe armatosjes së saj të vazhdueshme, edhe Serbia, përderisa këtu është KFOR-i, nuk paraqet rrezik për sulm ushtarak (kjo nuk nënkupton që ajo nuk do të punojë në destabilizimin e Kosovës, posaçërisht në veriun e vendit). Kosova për ta rritur sigurinë e saj do të duhej të punonte me ngulm për zgjidhjen e problemeve me Serbinë, anëtarësimin në NATO dhe unifikimin e politikave mbrojtëse me Republikën e Shqipërisë deri në bashkim. Pakti për mossulmim në kontekstin pa SHBA-në, pa NATO-n dhe pa bashkim me Shqipërinë nuk do të kishte bash

kurrfarë vlere praktike. Në pikën e tretë përmendet reciprociteti me Serbinë, gjë që do të ishte në rregull po do të trajtohej në kontekstin e bisedimeve me Serbinë dhe vendosjen në tryezën e bisedimeve edhe të Kosovës Lindore dhe trajtimin me reciprocitet të drejtave të shqiptarëve atje me ato të serbëve në Kosovë, posaçërisht atyre në veriun e vendit. Por jo, kryeministri Kurti në mënyrë të çuditshme e vendos reciprocitetin si parim pas njohjes së dyanshme (reciprociteti në marrëdhëniet në mes të dy shteteve sovraane është parim i pashmangshëm dhe i zakonshëm). Ai madje propozon që për serbët të zbatohet modeli i Këshillit Kombëtar të Shqiptarëve në Serbi (e nënkuptuar, por jo e thënë si kundërpeshë për asociacionin). Kjo prapë duket simpatike dhe madje populiste sepse nga shumë është nënkuptuar se me këtë pikën tre është menduar që shumë nga privilegjet që i ka komuniteti serb në Kosovë do t'i hiqen. Por, në të vërtetë, realiteti i këtij propozimi është krejt tjetër. Me këtë qasje nuk ka ndryshim të strukturës kushtetuese të Kosovës për ta bërë atë më funksionale. Kjo nënkupton mbajtjen e tërë privilegjeve për serbët që përmes Pakos së Ahtisaarit garantohej me kushtetutën tonë, dhe që e dëmtojnë funksionalitetin e shtetit tonë dhe në vend të asociacionit të kemi Këshillin Kombëtar të Serbëve. Kjo përveç që nuk është zgjidhje për funksionalitetin e shtetit të Kosovës, sepse bisedimet duhen shfrytëzuar për ta funksionalizuar atë, ajo i lë në një pozitë të rëndë shqiptarët në Kosovën Lindore sepse nuk i bën pjesë të zgjidhjes. Për më tepër, dërgohet një mesazh i dëmshëm se ata janë aq mirë sa do të merren shembull për serbët në Kosovë. Është e kundërta, ata janë shumë keq, dhe bisedimet duhet të jenë vendi ku do të trajtohet edhe pozita e tyre. E katërta pikë është tipike populiste për konsum të brendshëm: të largohen nga bisedimet ish-veglat e regjimit të Millosheviqit si Odaloviç dhe Angjelkoviç, por pranohet Vuçiqi, ndonëse ai ka qenë eksponent i qeverisë së Millosheviqit gjatë luftës si dhe vegël besnike e Partisë Radikale Serbe të Sheshelit, përkatësisht të lëvizjes çetnike serbe.

“Epoka e re”: Kryeministri Kurti gjatë gjithë karrierës së tij politike i ka kundërshtuar bisedimet me Serbinë, por po pretendon se në këtë proces të hapë tema të reja, duke anashkaluar temat e vjetra si asociacioni. A është i mundshëm ndryshimi i qasjes së këtij procesi?

Murati: Kryeministri Kurti në të vërtetë temat e vjetra po i paketon ashtu që të duken të reja dhe t'i shesë të përkrahësit e tij se



ai nuk ka ndryshuar. Por, në thelb, siç theksova, ai po bëhet pjesë e bisedimeve si të gjithë kryeministrat e tjerë të Kosovës, duke mos e shpërfaqur para opinionit tonë rëndësinë e këtyre bisedimeve dhe interesin tonë për të, por si një obligim i imponuar nga ndërkombehtarët. Ky është një problem i madh i krejt skenës sonë politike, që asnjëherë nuk u është shpjeguar qytetarëve se zgjidhja e problemeve me Serbinë përmes dialogut është në interesin tonë. Andaj unë nuk mendoj se ai po jep ndonjë sinjal se do të ndryshojë kurs, apo se ka guxim të trajtojë zgjidhje të guximshme politike. Zgjidhjet e guximshme politike nuk janë populiste. Rrjedhimisht me këtë kurs që po e ndjek nuk do të arrijë ta shmangë presionin për zbatimin e asociacionit, sado që për shkak të rrethanave mund ta zgjasë koha e realizimit e këtij presioni.

“Epoka e re”: Ambasadori amerikan në Prishtinë ka deklaruar se Kosova e ka obligim formimin e asociacionit, ndërsa kryeministri e ka kundërshtuar një gjë të tillë. Në këtë mënyrë, a mund të rrezikohen raportet e mira ShBA - Kosovë?

Murati: Nuk ka dyshim se zbatimi i asociacionit është një obligim ligjor i Kosovës me marrëveshjen e vitit 2013. Tjetër gjë është se në të gjitha variantet e tij, asociacioni është shumë i dëmshëm për funksionalitetin e Kosovës. Për më tepër, implementimi i asociacionit, qoftë me kompetenca ekzekutive, qoftë pa to, nuk është pjesë e ndonjë pakoje për njohjen e Kosovës nga ana e Serbisë. Një asociacion i tillë, i cili për së brendshmi do ta rriste defunksionalizimin e Kosovës, veç sa i rritet apetitet e Serbisë për t'i shtuar kërkesat e saj si autonomi për veriun (siç po përmendet modeli i Tiroilit Jugor), eksterritorialiteti për kishat ortodokse etj. Për t'i iku implementimit të këtij asociacioni Kosovës iu hap një derë në vitin 2019 edhe nga administrata amerikane kur u lejua që pjesë e zgjidhjes të ishte ripërcaktimi i kufijve. Kjo derë, ndonëse ka lëvizur lehtëzi drejt mbylljes, duke ngushtuar hapësirën lëvizëse, nuk është mbyllur nëse për të ka vullnet. Dhe realisht kam besim se asnjëherë nuk do të mbyllet

tërësisht, dhe mund të hapet nëse palët do të shprehin vullnet për të. Personalisht nuk kam asnjë dyshim se ky është opsioni i vetëm që Kosovën e bën funksionale, e trajton çështjen e Kosovës Lindore dhe e hap edhe mundësinë e bashkimit me Shqipërinë nëse për të ka vullnet. Madje duke qenë se njohja nga Serbia do të jetë shumë e vështirë, opsioni i ripërcaktimit është i vetmi nga i cili funksionaliteti i brendshëm nuk varet më pas nga njohja eksplicite. Sidoqoftë, në këtë moment nuk ka vullnet për të ecur në këtë rrugë, për më tepër ajo zgjidhje u anatemia nga shumica e subjekteve politike, por pa treguar asnjëherë se cilin opsion do ta ndjekin. E shumë opsione nuk kanë. Dhe të gjitha janë më të këqija se tjetra: asociacion, asociacion me kompetenca ekzekutive, autonomi për veriun, eksterritorialitet për kishat ortodokse. Dhe, për çudi, nuk dëgjon nga kryeministri e as nga partitë e tjera politike opozitare që si kundërpeshë të këtyre opsioneve, nëse jo ripërcaktimi i kufijve, të jetë së paku reciprociteti në të drejta: nëse kërkohet asociacion për serbët në Kosovë, të garantohet edhe për shqiptarët në Serbi; nëse kërkohet autonomi për veriun, të garantohet autonomia edhe për Kosovën Lindore etj. Duke mos lëvizur politika jonë në atë drejtim, sigurisht se presioni do të rritet për t'i zbatuar marrëveshjet e dëmshme për Kosovën, sepse janë obligime që i kemi marrë. Dhe në asnjë moment nuk duhet të hidhërohemi me aleatët tanë, e sidomos jo me amerikanët, të cilët vitet e fundit na i hapë dyert edhe për zgjidhjet e tjera. Sidoqoftë, më duhet të theksoj se jam shumë skeptik për mundësinë e implementimit të asociacionit apo ndonjë modeli të autonomisë serbe në Kosovë. Në të gjitha variantet këto modele do të dështojnë qoftë në implementim, qoftë në funksionimin e tyre dhe, në fund të procesit që mund të jetë disavjeçar, prapë do të mbetet si e vetmja zgjidhje ripërcaktimi i kufijve. Kam frikë, megjithatë, se në një situatë të tillë do të humbim shumë më shumë sesa po ta realizonim atë zgjidhje prej vitit 2018 e deri më sot, e mos të flas për humbjet që do t'i kemi si

shoqëri nga vonesa e moszgjidhjes së problemeve me Serbinë dhe shpenzimi i energjive në luftë të brendshme politike në vend se të përqendrohemi në zhvillim ekonomik, sundim të ligjit, përparim të arsimit e kulturës etj.

“Epoka e re”: Edhe në takimin e së martës Kurti - Vuçiq i pamë qëndrimet e kundërta të palëve. Sa janë gjasat që në fund të këtij procesi të kemi një marrëveshje përfundimtare?

Murati: Nuk pres një marrëveshje të shpejtë dhe kjo është ajo hapësira që qeveria Kurti e ka të manovrojë edhe për një kohë. Do të mbahet edhe një takim në korrik të këtij viti, takim i cili do të jetë pak a shumë i ngjashëm me këtë që pamë, ndonëse palët mund të vendosin aty një kornizë të gjerë të asaj se çfarë do të bisedohet. Pastaj institucionet evropiane shkojnë në pushim të verës. Në shtator janë zgjedhjet gjermane dhe largimi i kancelares Merkel nga politika gjermane; në tetor janë zgjedhjet lokale në Kosovë; në pranverë zgjedhjet serbe dhe më pas janë zgjedhjet presidenciale franceze. Të gjitha këto do ta ngadalësojnë dinamikën dhe ritmin e procesit të dialogut dhe nuk pres ndonjë rezultat apo edhe presion të madh sidomos nga BE-ja në këtë periudhë. Të vetmit që mund ta prishin këtë rehati janë amerikanët nëse vendosin që të përfshihen më drejtpërdrejt në bisedime.

“Epoka e re”: Opozita që deri vitin e kaluar ka udhëhequr këtë proces, po refuzon të marrë pjesë në dialog. Cili duhet të jetë qëndrimi i partive opozitare ndaj këtij procesi?

Murati: Ka kohë që bisedimet me Serbinë janë bërë pjesë e betejës elektorale ndërmjet partive politike shqiptare. Sigurisht që LV-ja këtë betejë politike e ka vendosur në skajet e saj duke e bërë të pamundur çdo debat normal rreth bisedimeve, madje duke i pamunduruar edhe kritikën konstruktive ndaj këtij procesi. Duke qenë se edhe partitë e establishmentit të vjetër, dialogun me Serbinë asnjëherë nuk e kanë trajtuar seriozisht, ato po përpiqen të sillen pak a shumë së paku në diskurs njëjtë sikur LV-ja dikur. Rrugë e duhur, sipas mendimit tim, është arritja e një konsensusi rreth dialogut dhe në këtë drejtim është krejt e parëndësishme pjesëmarrja ose jo e opozitës në bisedime. Sidoqoftë, me këto opsione që favorizojnë subjektet tona politike për momentin dhe me qasjen e tyre e shoh të pamundur arritjen e konsensusit. Asnjëra realisht nuk është e interesuar t'i zgjidhë problemet me Serbinë përmes bisedimeve. Shumica prej tyre mbijetojnë në skenën politike me temën e Serbisë dhe rrezikut nga ajo.

Latifi organizon debat publik me qytetarë për gjashtëmujorin e parë të vitit 2021

RAHOVEC, 21 QERSHOR (ER) - Komuna e Rahovecit ka njoftuar qytetarët dhe grupet e interesit dhe palët e tjera të interesuara, se kryetari i Rahovecit, Smajl Latifi, organizon debatin

publik me qytetarë për gjashtëmujorin e parë të vitit 2021. Debat publik me qytetarë do të mbahet më 28 qershor, në orën 11:00, në sallën e Kuvendit Komunal në Rahovec. "Në këtë debat

do të keni mundësi të njiheni për punën gjashtëmujore (janar-qershor 2021), zhvillimet aktuale në komunë si dhe për planet tona për të ardhmen. Pas paraqitjes së

kryetarit të komunës, qytetarët mund t'i bëjnë pyetje dhe komente ekzekutivit të komunës për të gjitha temat të cilat atyre u interesojnë", ka njoftuar Komuna e Rahovecit.



Komuna e Mitrovicës harton dy plane për periudhën pesëvjeçare për menaxhimin e mbeturinave komunale

MITROVICË, 21 QERSHOR (ER) - Nën kryesimin e kryetarit të Komunës së Mitrovicës, Agim Bahtiri, dhe në prani të drejtorëve të drejtorive komunale, të hënën është mbajtur mbledhja e radhës e Bordit të Drejtorëve, në të cilën janë shqyrtuar një varg çështjesh me rëndësi për jetën e qytetarit. Në këtë mbledhje drejtoresha për Mbrojtjen e Mjedisit, Aida Ferati Doli, ka njoftuar ekzekutivin lidhur me hartimin e Planit Lokal të Veprimit në Mjedis si dhe Planit Komunal të Menaxhimit të Mbeturinave, si dy dokumente strategjike të një rëndësie të veçantë për menaxhimin e mbeturinave në periudhë pesëvjeçare në Komunën e Mitrovicës, ku fillimisht këto dokumente do të

kalojnë për diskutim publik dhe më tutje do të procedohen në kuvend për miratim. "DMMP në bashkëpunim me shoqërinë civile dhe palët e tjera të interesit ka hartuar këto dy plane për periudhën pesëvjeçare 2021-2025 për menaxhimin e mbeturinave komunale, ndërsa këto plane janë edhe indikatorë për performancën komunale, garën për mjedis të pastër dhe garat e tjera që komuna merr pjesë", ka thënë drejtoresha Doli. Gjithashtu, bordi ka diskutuar edhe një sërë temash që ndërlidhen me mirëqenien e qytetarëve, ku pati edhe propozime të ndryshme që kanë të bëjnë me rregullimin më të mirë të funksionimit në secilën drejtori dhe rritjen e kualitetit të shërbimeve ndaj qytetarëve.



Gjilani shënon Ditën Ndërkombëtare për Eliminimin e Dhunës Seksuale në Konflikt



GJILAN, 21 QERSHOR (ER) - Nën mbështetjen e Komunës së Gjilanit dhe me iniciativë të organizatës Gruaja Hyjnore, të hënën është shënuar Dita Ndërkombëtare për Eliminimin e Dhunës Seksuale në Konflikt, duke promovuar moton "Ne jemi zëri juaj", për të qenë afër me të gjitha ato që kanë qenë të dhunuara pa e ndarë kurrë dhembjen me askënd. Nënkryetari i Komunës së Gjilanit, Arbër Ismajli, ka theksuar se Komuna e Gjilanit është e përkushtuar në vazhdimësi dhe me kujdes të veçantë për të mbështetur të gjitha kategoritë që nuk e ndiejnë veten të barabartë në shoqëri dhe posaçërisht për gratë dhe të rejtat e Kosovës që gjatë luftës kanë përjetuar çastet më të vështira dhe tmerruese në jetën e tyre.

"Ato çaste janë të paharruara për të gjitha ato që janë dhunuar në kohën e luftës. Askush nuk mund ta paramendojë gjendjen e tyre. Gjithmonë do t'u qëndrojmë afër që dhembjen e tyre ta ndajmë së bashku", ka thënë nënkryetari Ismajli.

Arjeta Maka, në emër të organizatës Gruaja Hyjnore, ka thënë se së bashku me Komunën e Gjilanit sot me këtë pano konfirmojnë se janë pranë të gjitha grave dhe vajzave që ishin të dhunuara e për të cilat ndjenja e tmerrit asnjëherë nuk është eliminuar. "Ne jemi zëri juaj" është moto e të gjithëve për të qenë afër jush për vuajtjet dhe tmerrin që keni kaluar. Vetëm të bashkuara ne mund të jemi afër të gjitha atyre që janë duke jetuar me tmerrin e asaj kohe", ka thënë ajo.

Komuna e Ferizajt kërkon që kryerësit e vjedhjes në kishën e fshatit Talinoc i Muhaxherëve të vihen para drejtësisë

FERIZAJ, 21 QERSHOR (ER) - Komuna e Ferizajt lidhur me rastin e vjedhjes në kishën e fshatit Talinoc i Muhaxherëve ka dënuar këtë vepër kriminale, rast i izoluar dhe

njëkohësisht ka kërkuar nga organet kompetente t'i zbardhin rrethanat e rastit, ashtu që kryesit të vihen para drejtësisë. "Ferizaj në ADN-në e tij ka bashkëjetesën mes

besimeve, multikulturalitetin dhe, si të tilla, këto paraqesin vlera që me ngulm mbrohen dhe promovohen nga ferizajasi", ka njoftuar Komuna e Ferizajt.



Mali i Zi dhuron vaksina kundër Covidit për FSK-në

EPOKA
ERE

Faton DËRMAKU

Prishtinë, 21 qershor - Në kuadër të bashkëpunimit bilateral me vendet partnere dhe realizimin e aktit të marrëveshjes për pranimin e donacionit të Ministrisë së Mbrojtjes së Malit të Zi për FSK-në, ministri i Mbrojtjes, Armend Mehaj, ka pritur të hënën në takim ambasadorin e Malit të Zi në Kosovë, Mirsad Bibović. Me këtë rast, ministri Mehaj ka falënderuar dhe ka shprehur mirënjohjen e lartë për donacionin e vaksinave si dhe ka njoftuar për qëllimet strategjike dhe objektivat operative të tij, me fokus në objektivin për anëtarësim në NATO dhe iniciativat rajonale të sigurisë dhe mbrojtjes.

Për objektivin përkatës ai ka kërkuar përkrahjen e Qeverisë së Malit të Zi në këto procese

duke nënvizuar kontaktet e deritashme virtuale shumë të frytshme me homologen e tij, Olivera Injac.

Nga ana e tij, ambasadori Bibović ka shprehur vlerësimin e tij të lartë për të arriturat e Ministrisë së Mbrojtjes dhe FSK-së duke siguruar përkrahjen e plotë të Malit të Zi, si vend i NATO-s, për realizimin e këtyre objektivave. Ndër të tjera, ambasadori ka ngritur edhe çështjen e inkuadrimin të pjesëtarëve të FSK-së nga radhët e komunitetit malazez në Kosovë, për çka mori konfirmimin e plotë të ministrit Mehaj, i cili njoftoi se çështja e rritjes së numrit të pjesëtarëve të FSK-së nga radhët e komuniteteve joshumicë dhe të grave është ndër objektivat e tij kryesore.

Në fund të dy u pajtuan që çështjet e diskutuara dhe të



tjera me interes të përbashkët të ngritën dhe shqyrtohen konkretisht në takimet bilaterale në nivel të ministrave të mbrojtjes së dy vendeve.

Më pas, të dy nënshkruan marrëveshjen e pranimit të donacionit të kontingjentit prej 400 dozave të vaksinave kundër Covidit për pjesëtarët e FSK-së. Me këtë rast, ky donacion nga

ministri Mehaj u vlerësua shumë i vlefshëm jo për nga vlera financiare sa nga vullneti i veçantë i dëshmuar për përkrahje në kohë krize nga miqtë dhe partnerët malazezë.

Kurti takon Kamberin, bisedojnë për të drejtat e shqiptarëve në Serbi

EPOKA
ERE

Qendresa RAMA

PRISHTINË, 21 QERSHOR- Kryeministri i Kosovës, Albin Kurti, ka pritur të hënën në takim kryetarin e Partisë për Veprim Demokratik dhe shefin e grupit parlamentar "Lugina e Bashkuar-SDA" në Kuvendin e Serbisë, Shaip Kamberi.

Kryeministri Kurti dhe Kamberi biseduan për çështjen e të drejtave të shqiptarëve në

Preshevë, Medvegjë e Bujanoc dhe në viset e tjera në Serbi.

Në takim u diskutua për të drejtat që i kanë shqiptarët përmes Këshillit Nacional Shqiptar si dhe rrudhjen e tyre nga një aktgjykim i Gjykatës Kushtetuese të Serbisë nga janari i vitit 2014.

Kurti dhe Kamberi diskutuan edhe për takimin e 15 qershorit në Bruksel, për dialogun e ardhshëm ndërmjet Kosovës dhe Serbisë mbi statusin e marrëdhënieve ndërmjet dy shteteve.

Temë e bisedës ishin edhe dy samitet e liderëve të gjashtë vendeve të Ballkanit Perëndimor të mbajtura këtë muaj në Tiranë dhe në Vjenë.

Takimi me Shaip Kamberin është në vazhden e takimeve që kryeministri Kurti mban me përfaqësuesit e shqiptarëve të Preshevës, të Medvegjës e të Bujanocit për ruajtjen e marrëdhënieve të mira dhe bashkëpunimin për avancimin e të drejtave të shqiptarëve.

SBASHK-u dërgon 452 anëtarë për pushime në bregdetin shqiptar

EPOKA
ERE

Qendresa RAMA

PRISHTINË, 21 QERSHOR- Sindikata e Bashkuar e Arsimit, e Shkencës dhe e Teknologjisë (SBASHK) ka njoftuar se po vazhdon traditën e organizimit të pushimit në bregdetin shqiptar për një numër të konsideruar të anëtarëve të Sindikatës nga e tërë Kosova. "Duke vlerësuar lart angazhimin dhe përkushtimin e punëtorëve arsimorë në këtë vit mësimor plot sfida e vështirësi të krijuara nga pandemia, SBASHK-u vazhdon traditën e organizimit të pushimit në bregdetin shqiptar për një numër të konsideruar të anëtarëve të vet nga e tërë Kosova. Pasi kanë analizuar mundësitë buxhetore, organet udhëheqëse të

SBASHK-ut kanë ardhur në përfundim se këtë vit në këtë aktivitet do të përfshihen 452 pushues që janë përzgjedhur nga shoqatat sindikale arsimore e të kulturës dhe njësive akademike nga e tërë Kosova", ka njoftuar SBASHK-u.

Grupi i parë prej 78 pushuesve është nisur të dielën, në të cilin janë përzgjedhur anëtarët e SBASHK-ut që kanë kryer obligimet në procesin mësimor, ndërsa më 27 qershor do të shkojnë në pushimin e organizuar 245 pushues të tjerë nga komuna të ndryshme të Kosovës. "Ky aktivitet rekreativ do të vazhdojë më 4 korrik me grupin e fundit prej 129 pushuesve. Përveç për pushim e rekreacion, ky aktivitet do të shfrytëzohet edhe për



aktivitete sindikale e organizim dhe për organizimin e tryezave të

debatit lidhur me përgatitjen e planit strategjik të angazhimit të

SBASHK-ut në vitet në vijim", është thënë në njoftimin e SBASHK-ut.

REAGIM I KËSHILLIT PËR MBROJTJEN E TË DREJTAVE DHE LIRIVE TË NJERIUT (KMDLNJ)

Kur dhe a do të përfundojë telenovela e ish-kryetarit të Kuvendit të gjykatës së EULEX-it në Kosovë, Malcolm Simmons?

Se misionet ndërkombëtare në botë si dhe në Kosovë nuk janë sjellë në përputhje me natyrën dhe detyrimet që i kanë pasur të qartësuar në dokumentet e tyre, është një e vërtetë e ditur mirëpo gjithmonë e mohuar nga drejtuesit e këtyre misioneve.

Informatat vendore janë pranuar me rezervë, kurse informatat nga anëtarë apo përfaqësues të këtyre misioneve që kanë denoncuar shkelje të shumta, kanë pasur besueshmëri të kontestuar për faktin se ato janë bërë publike vetëm pasi e kanë përfunduar misionin apo nuk u ishte vazhduar kontrata e punës.

Janë të fshehta publike aferat që i kanë bërë anëtarë apo përfaqësues të këtyre misioneve duke keqtrajtuar punëtorë vendas dhe duke ua kushtëzuar vazhdimin e kontratave me favore seksuale, të të dy gjinive, duke vjedhur miliona dhe miliona euro si rasti Trashler, duke e favorizuar korrupsionin pasiv dhe aktiv sikur Kushner që ia dha monopolin për telefoninë mobile Telekomit të Monakos (Francë) dhe duke eliminuar konkurrentë të tjerë, duke ndërhyrë në zgjedhje të presidentëve (Pacolli dhe Jahjaga), duke privatizuar asete të vlefshme me shuma qesharake, duke arrestuar dhe kurdisur procese politike kundër personaliteteve të rëndësishme të UÇK-së, duke bërë përpjekje të blejnë

dëshmitarë të rrejshëm me para dhe privilegje të tjera, duke bashkëpunuar me autoritetet serbe në dëm të Kosovës dhe dobi të Serbisë, sidomos në planin e luftimit apo mosluftimit të krimeve të luftës dhe duke e shitur pafajësinë e pamerituar apo duke e dënuar dikë me porosi apo për shkaqe politike.

Në Kosovë ishin disa përpjekje të sqaroheshin dhe të viheshin para përgjegjesisë prokurorë dhe gjykatës të misioneve ndërkombëtare por që, për shkak të imunitetit, asnjëri nga ata nuk u dënua. Apo u dënuan 2-3 raste për krime ordinere. Prokurorja e EULEX-it, Maria Bamieh, bëri publike disa keqpërdorime brenda misionit, mirëpo u eliminua si e pabesueshme shkak se këtë e bëri pasi e larguan nga puna. Malcolm Simmons, ish-kryetar i Kuvendit të Gjykatës së EULEX-it, gjithashtu, pasi e larguan nga misioni, reagoi duke bërë publike shumë shkelje të këtij misioni duke shfaqur vullnet dhe gatishmëri të dëshmojë para Komisionit Parlamentar për Legjislacion të Kuvendit të Kosovës gjë që fillimisht u pranua mirëpo, shkak se Kuvendi i Kosovës u shpërnda, iku edhe propozimi i Malcolm Simmonsit për të dëshmuar para një Komisioni Hetimor të Kuvendit të Kosovës i cili do të formohej pas dëshmisë së z. Malcolm Simmons.



Pasi kjo çështje nuk mori epilogun e dëshiruar nga z. Malcolm Simmons, i njëjti shtoi paraqitjet publike në media dhe rrjete sociale në të cilat denoncoi keqpërdorimet e shumta që i kishte bërë në Kosovë misioni i EULEX-it dhe për të cilat zoti Simmons deklaroi se ka materiale të bollshme me të cilën do ta dëshmonte akuzën eksplicite që ia bënë këtij misioni. Me ndërrimin e pushtetit dhe përbërjen e re të Kuvendit të Kosovës, insistimi i Malcolm Simmonsit për të dëshmuar vetëm sa u shtua në ndërkohë që reagimi institucional nuk duket e as që duket në horizont. Malcolm Simmons, si pjesë e një organizimi të BE-së në Kosovë e që quhet Mision për Sundim të Ligjit - EULEX, madje thuaja në krye të piramidës udhëheqëse, nuk

është person pa informata, që nuk e ka të qartë peshën e provës apo faktit, por edhe peshën e përgjegjesisë nëse nuk e flet të vërtetën duket sa ka shumë për t'i thënë Komisionit Parlamentar për Legjislacion e, përmes tyre, edhe qytetarëve të Kosovës, e vërtetë për të cilën EULEX-i po heshtë sikur edhe institucionet tona. Pse po heshtë EULEX-i është plotësisht e kuptueshme. Pse po heshtin institucionet e Kosovës nuk ka ndonjë logjikë, sidomos pas pohimeve të Malcolm Simmonsit se këto misione ndërkombëtare në Kosovë i kanë dorëzuar Serbisë dosje për krime lufte që kanë për pasojë edhe arrestimin nga Dhomat e Prokurorit të Specializuar të ish -kreut të UÇK-së dhe ish-kreut politik të Kosovës e që mbahen të arrestuar në Burgun e Hagës.

KMDLNj-së e ka krejtësisht të qartë se misionet ndërkombëtare gëzojnë imunitet nga ndjekja penale, prandaj edhe sillen në mënyrë shpërfillëse ndaj ligjeve të vendit dhe qytetarëve të Kosovës. Këto misione nuk u japin asnjë llogari udhëheqësve të Kosovës madje, për më keq, kur të duan mund të arrestojnë edhe udhëheqësit më të lartë të vendit siç ishte rasti i arrestimit të presidentit Hashim Thaçi, kryetarëve të Kuvendit të Kosovës, Jakup Krasniqi dhe Kadri Veseli, shefit të grupit parlamentar të LV-së, Rexhep Selimi, drejtuesve të OVLUÇK-së, Hysni Guçati dhe Nasim Haradinaj, eprorëve të UÇK-së, Salih Mustaf dhe Pjetër Shala dhe cilindo që duan.

Të prisni që këta të hetohen nga një komision parlamentar i Kosovës apo prokurori e Kosovës, është skajshmërisht e pamundur dhe joserioze.

Mirëpo, në anën tjetër, kjo nuk do të duhej të paraqiste pengesë që z. Simmons të deklarohet para komisionit parlamentar për legjislacion të Kuvendit të Kosovës për faktet që i ka për misionin e EULEX-it, të cilin, sipas zotit Simons dhe ndërkombëtarë të tjerë këtë mision (EULEX), më së paku mund ta paraqesim si Mision për Sundim të Ligjit dhe realisht mund ta vendosim në kornizat e një ndërmarrjeje kriminale. Përpjekjet që zotit Simmons t'i pamundësohet dëshmia para institucioneve të Kosovës duket se është përpjekje për ta fshehur të vërtetën ndaj qytetarëve të Kosovës të cilët kanë të drejtë të informohen për atë që po ndodh në Kosovë dhe ku nuk kanë qasje sikur që janë misionet ndërkombëtare, ndërkohë që e drejta për informim është e drejtë elementare e njeriut.

KMDLNj-ja është e sigurt se kjo dëshmi para komisionit për legjislacion, e kërkuar nga zoti Simmons, nuk prodhon asnjë efekt apo pasojë juridike, përveç se do ta bënte publik angazhimin e pandershëm dhe të kriminalizuar të disa hetuesve, prokurorëve dhe gjykatësve të UNMIK-ut dhe EULEX-it dhe të cilët po këtë aktivitet mund ta vazhdojnë në Zyrën dhe Dhomat e Specializuara në Hagë për faktin se janë rekrutuar pas shërbimit në Kosovë. KMDLNj-ja nuk paragjykon nëse zoti Simons ka të drejtë në akuzat eksplicite që ia bënë EULEX-it, mirëpo mbron të drejtën e njeriut për informim objektiv për qytetarët e Kosovës. Nëse, edhe më tutje, i mohohet gatishmëria Malcolm Simmonsit të dëshmojë para institucioneve të Kosovës, atëherë edhe e vërteta e këtyre pohimeve dhe akuzave nuk mund të mohohet, del se z. Simmons ka të drejtë.



Luftëtar dhe komandant në luftën për çlirim

(Një vlerësim i shkurtër për jetën dhe veprën e Xheladin Gashit - Plakut)

Shkruan: Azem SYLA

Në Kosovë dhe në gjithë territoret e pushtuara nën Jugosllavi është luftuar pa ndërprerje. Dhe kjo luftë e vijueshme ka pasur gjithnjë luftëtarët dhe komandantët e saj. Ka pasur dëshmorët dhe heronjtë e saj, ka pasur gjithë pasurinë e shpirtit liridashës të kombit. Njëri ndër këta heronj ishte edhe Xheladin Gashi - Plaku.

Xheladini ishte një njeri me vlera të veçanta. Ai ishte njeri që nuk ndalej dhe nuk trembej, i gatshëm që të merrte përgjegjësi dhe të rrezikonte, që bënte të gjitha përpjekjet të ndodhej atje ku e lypnin interesat e atdheut e të kombit të tij, atje ku e lypnin vlerat e burrërisë e të forcës, për të bërë atë që ishte e nevojshme.

Rruga e tij jetësore shtrihet ndërmyjet veteranit të arsimit, që bëri të gjitha përpjekjet për t'ua zgjuar ndjenjën kombëtare generatave, ndonëse ishte arsimtar i biologjisë, deri te njëri ndër themeluesit e Ushtrisë Çlirimtare të Kosovës.

Xheladin Gashi - Plaku, u lind më 25.05.1946 në fshatin Komoran. Prindërit e tij ishin babai Hysen Gashi dhe nëna Mejreme Gashi. Që në fëmijëri Xheladini thonë se ishte shumë i qetë dhe kureshtar të njihje jetën. Më ka treguar se në fëmijërinë e hershme nuk e kishte të qartë se çfarë ishte pushtimi, por kur dëgjonte në familje të flitej për vështirësitë e jetës dhe për peshën që krijonte pushtuesi me të gjitha mjetet mbi njerëzit të caktuar, atij i kishte lindur një urrejtje kundër shtetit jugosllav.

Xheladini e donte shkollën. Prindërit e tij me sakrificë nuk e ndalën që ta angazhoni me punët e rëndomta të familjes, siç ishte zakoni në përgjithësi në atë kohë, që në të shumtën e rasteve familjet e quanin kohë të humbur dërgimin e fëmijëve në shkollë. Por, prindërit e Xheladinit ishin shumë të përkushtuar pas punës, por e donin edhe dijen. Prandaj, kur kuptuan se djali i tyre kishte dëshirë të mësonte iu bënë krah, e nxitën të vijojë, i kërkuan të mësonte sa më mirë e të bëhej një ditë njeri me vlerë për vete dhe për familjen.

Kështu, Xheladin Gashi do të kryejë vitet e shkollimit fillor dhe do të vijojë shkollimin profesional për mësues në Prishtinë. Kishte shumë dëshirë të ishte mësues. T'ua mësonte fëmijëve të shkruanin e të lexonin shqip. Megjithatë ai në përgjigje të kërkesave të kohës, do të vijoj studimet e larta në Shkup, duke u bërë kështu arsimtar i lëndës së biologjisë.

Por qenia mësimdhënës i

biologjisë nuk e privoi Xheladinit nga detyra që ia kishte vënë vetes për t'u mësuar nxënësve të tij edhe historinë. Për t'u mësuar nxënësve të tij krenarinë e qenies shqiptar. Për të dhënë shembullin vet se si mund e duhet ta duam atdheun. Ai që në fillimet e tij të punës u përcaktua në ruajtjen, kultivimin afirmimin e vlerave kombëtare të nxënësve të tij.

Xheladini në çdo kohë do të gjente mënyrën të këshillonte e instruktonte edhe mësimdhënësit e tjerë, kryesisht të rinjtë, me qëllim që mësimi të bëhet sa më i drejtpërdrejtë dhe rezultatet të jenë sa më të kënaqshme. Dhe këtë e bënte duke mos menduar fare se mund të përcillet nga UDB-ja nëpërmjet veglave të saj, pasi dihej se mësimdhënësit ishin të parët që mbaheshin nën vëzhgim thuajse të vijueshëm prej saj.

Xheladini punoi në shkollën "Bajram Curri", në Nekovc (tash Nikaj), ku për një periudhë kohe ishte edhe drejtor po në atë shkollë, ku edhe unë isha arsimtar. Pikërisht këtu mund të them se ka qenë njohja më e afërt e imja me Xheladinit. Aty mësova se atë e karakterizonte vullneti shumë i madh për t'u dhënë dije gjeneratave. Për t'i bërë ata të aftë për jetën e të ardhmes dhe për t'i bërë ata të aftë për të marrë barrën e rëndë për çështjen e kombit.

Gjatë asaj periudhe arrita të kuptoj plotësisht shpirtin kombëtar të Xheladinit. Ashtu me një qetësi për t'u pasur zili, ai do të shpaloste mendimin e tij dhe vizionin që kishte për të ardhmen, të cilën kishte bindje se ishte e arritshme dhe se ishim ne ata që do ta realizonim çlirimin e vendit dhe vendosjen e drejtësisë mbi tokën tonë njëherë e përgjithmonë.

Duke qenë shok i tij, mund të them me siguri të plotë se e njoh gjithë aktivitetin e tij patriotik që në hapat e para të ecjes së tij në këtë drejtim. Por duhet thënë se ai prej vitit 1974 e në vazhdim, ishte futur plotësisht në radhët e organizimit ilegal për çlirimin dhe bashkimin e trojeve shqiptare.

Xheladini nuk pushoj kurrë së punuari për çështjen e pa zgjidhur kombëtare e njëherësh edhe për çështjen e Kosovës, si gjatë periudhës si pjesë e lëvizjes ilegale, si luftëtar i Ushtrisë Çlirimtare të Kosovës dhe si themelues dhe udhëheqës i Shoqatës "Miqte e TMK-së", të cilën e drejtoi deri kur u largua nga kjo jetë.

Xheladin Gashi ka qenë personalitet i shquar i llogarës shqiptare, e cila ia ndryshoi kahen historisë shqiptare, duke i



mbajtur gjithnjë armët ngjeshur për të luftuar për liri.

Duke e njohur që herët, e kam të vështirë të përcaktoj ku përfundon për Xheladinit puna e mësuesit dhe ku fillon ajo e veprimtarit ilegal, ku përfundon ajo e veprimtarit ilegal dhe ku fillon ajo e luftëtarit të lirisë. Është një jetë e ndërthurur jeta e tij, një jetë e mbushur plot me veprimtari, me hapa viganë dhe me veprime që na e sjellin në vazhdimësi Xheladinit të qëndrueshëm dhe të pa thyeshëm, të pandalshëm para vështirësive e sakrificave dhe bindjes se për lirinë e atdheut e të kombit duhet me luftuar e me sakrifikuar gjithçka.

Ai do të jetë pjesë e të gjitha lëvizjeve e demonstrimeve kombëtare deri në vitet '90, kohë kur do të fillonte edhe aktivitetin e kombinuar luftarak, kohë prej të cilës Xheladinit mund ta konsiderojmë luftëtar të lirisë.

Qenia ushtar për çlirimin e vendit nuk ishte një gjë e re për Xheladinit. Ai gjithë jetën kishte ëndërruar për atë ditë kur nëpërmjet lëvizjes ilegale, të krijohej mundësia e pasjes së një force për çlirim. Edhe pse unë isha në burg në vitet 1981 deri në vitin 1987, e njoh mirë veprimtarinë e këtij shqiptari të madh, që me veprën e tij, i bëri vend vetes në vlerat e veçanta të historisë së Kosovës e gjithë kombit shqiptar.

Në vitin 1989, kur në Kosovë morën përmasa të jashtëzakonshme, protestat gjithë popullore, të cilat patën si elementë thelbësor ato të organizuara në kombinatet e Trepçës, Obiliqit, Feronikelit etj., Xheladini ishte në ballë të organizimeve, duke treguar si të kërkohet e drejta dhe liria për vete dhe gjithë brezat pasardhës të shqiptarëve.

Në këtë periudhë unë përsëri burgosem, ndërsa Xheladini vazhdon aktivitetin. Prej viteve 1989 e këtej, në vazhdimësi është një ndër faktorët dhe organizatorët e hedhjes së hapave të para për formimin, organizimin dhe drejtimin e rezistencës së armatosur, që kulmoj me krijimin e Ushtrisë Çlirimtare të Kosovës, bartëses së luftës për liri, e cila ia ndryshoi kahen ecjes sonë kombëtare.

E them me përgjegjësi të plotë faktin që Xheladini në gjithë veprimtarinë e tij ilegale, se i është bindur disiplinës së lëvizjes, por në mendimin e tij dhe në gjithë deklaratimet gjatë konsultave dhe zhvillimit të mendimeve, ka pasur idenë e pa lëkundur se ne mund të jemi të lirë vetëm në qoftë se do të kemi vullnetin dhe guximin të organizohemi për të fituar lirinë me armë, pasi siç thoshte, vetëm lufta e armatosur e bën zgjidhjen e çështjes së Kosovës.

Shtëpia e Xheladinit ishte edhe bazë e lëvizjes ilegale. Aty bëheshin takime, aty bëheshin biseda, aty merreshin e liheshin mjete të ndryshme, aty strehoheshin ilegalë, aty mbledheshin e shkëmbehen mendime për punën e të ardhmes dhe për atë që ishte bërë, si ishte bërë dhe çfarë duhej bërë për ta përmirësuar me tej punën.

Xheladini ishte njëri ndër aktorët kryesorë të Ushtrisë Çlirimtare të Kosovës, që në themelimin e saj, ose duhet thënë që në krijimin e mendimit të konsoliduar se duhet të luftojmë me armë për ta arritur lirinë tonë.

Në vitin 1997 do të ndodhnin disa fatkeqësi për Luftën Çlirimtare të Kosovës, ku ajo do të humbiste disa nga luftëtarët e vijës së parë. Ashtu sikurse do të ndodhnin edhe arrestime, ndër të cilat edhe

arrestimi i Nait Hasanit me shokë. Por edhe këtë radhë Xheladini i shpëtoj këtij arrestimi. Kjo bëri që ai të mos ndodhej në burg, si disa nga bashkëluftëtarët e tij, por të shkojë atje ku edhe ndihej më mirë. Prandaj edhe prej kësaj kohe ai do të kalojë te grupi i Adem Jasharit, ku mori tiparet e një luftëtarit tashmë i deklaruar. Dhe prej kësaj pas një kohe emigron në Zvicër, ku edhe atje u gjend aty ku kishin më së shumti nevojë për të. U bë promotor i fondit "Vendlindja Thërret", që kishte marrë përgjegjësinë nën drejtimin e Jashar Salihut të jetë burimi i përkrahjes materiale për Ushtrinë Çlirimtare të Kosovës.

Me shpërthimin e luftës kthehet në Shqipëri dhe i ngarkohet përgjegjësia si komandant i logjistikës së Ushtrisë Çlirimtare të Kosovës, duke u pozicionuar në pjesën e veriut në Shqipëri. Pikërisht aty ku ishte më afër dhe më e mundur që të ngriheshin e të funksiononin bazat e furnizimit, por që duhet thënë se Plaku nuk u kufizua thjesht në furnizimin, por ai u mor shumë edhe me mobilizimin e luftëtarëve, kërkimin dhe krijimin e kushteve për stërvitjen e tyre dhe në fund edhe për furnizimin dhe futjen e tyre në frontet e luftës në Kosovë.

Pra, Xheladin Gashi u përket celulave të para të Ushtrisë Çlirimtare të Kosovës, sepse ai si edhe shumë patriotë të tjerë e kishin kuptuar se kishte ardhur koha për të marrë atë kthesë historike që do të sillte jetë për shqiptarët e pushtuar dhe liri për atdheun e shkelur prej armikut për një shekull.

Se cila ishte forca e tij e tregon edhe rasti i themelimit dhe udhëheqjes prej tij të Shoqatës "Miqte e TMK-së", e cila për një periudhë shumë të shkurtër i shtriu degët e saj në të gjitha shtetet e botës ku kishte shqiptarë. Me atë shoqatë Xheladini mori përsipër dhe kreu mjaftë punë me vlera për kohën. Dhe ajo shoqatë do të ishte edhe më e suksesshme në të ardhmen. Por ja që Xheladini do të ndërrojë jetë dhe ajo shoqatë do të shuhet. Ky është edhe treguesi i fundit i fuqisë së fjalës dhe të organizimit që karakterizonte atë burrë, atë luftëtar, atë komandant, atë njeri të drejtë dhe të dashuruar me lirinë.

Më 21 mars 2005 ndërron jetë shoku dhe bashkëveprimtari e bashkëluftëtarë im, pasi kishte kryer shumë detyra atdhetare, por duke i mbetur pa kryer edhe shumë detyra të tjera.

E mbylli jetën me të gjitha atributet e një atdhetari të rrallë. Lavdi të përjetshme jetës dhe veprës së Xheladin Gashit - Plakut!

Bizneset kërkojnë më shumë para nga qeveria



PRISHTINË, 21 QERSHOR - Përfaqësues të bizneseve dhe deputetë nga partitë opozitare në Kuvendin e Kosovës po kërkojnë nga Qeveria e Kosovës që t'i ndihmojë bizneset me mjete financiare në mënyrë që të rikuperohen pasojat e shkaktuara nga pandemia. Zyrtarë të qeverisë thonë se tashmë janë në përgatitje të një pakoje të re ekonomike.

Kryetari i Odës Ekonomike të Kosovës, Berat Rukiqi, ka thënë se Kosova nuk ka arritur që t'i ndihmojë bizneset për t'i rikuperuar humbjet ekonomike, krahasuar me vendet e Ballkanit Perëndimor siç janë Bosnja dhe Hercegovina, Kroacia, Serbia, Mali i Zi, Maqedonia e Veriut dhe Shqipëria. Sipas tij, pakoja emergjente ka përmbushur rolin e saj, por tashmë vendi ndodhet në një situatë tjetër dhe kërkesat e bizneseve kanë ndryshuar. "Tashmë kanë ndërruar edhe nevojat e bizneseve. Nuk është se ka kërkesa nga të gjithë sektorët për ndihmë të drejtpërdrejtë financiare. Më shumë tashmë duhet të fokusohet tek ata sektorë që mund të kenë një

potencial të rritjes, siç është rasti me sektorët apo kompanitë që kanë potencialë për eksport. Ka shumë kërkesa për shkathësitë e fuqisë punëtore dhe kërkesa për projekte në fushën e efikasitetit të energjisë dhe digitalizimit", ka thënë Rukiqi për "Radion Evropa e Lirë".

Pakot e Kosovës për rimëkëmbje ekonomike

Deri më tani Qeveria e Kosovës ka ndihmuar bizneset me një pako emergjente fiskale në vlerë prej 180 milionë eurosh. Kjo pako u prezantua menjëherë pas konfirmimit të rasteve të para me koronavirus dhe masave të izolimit. Kurse në fund të vitit 2020 Kuvendi i Kosovës kishte miratuar Ligjin për Rimëkëmbje Ekonomike, që arrinte vlerën e 222 milionë eurove. Ky ligj ka për qëllim sjelljen e favoreve për bizneset dhe lehtësimin e gjendjes financiare pas humbjeve të shkaktuara nga pandemia e koronavirusit.

Zbatimi i këtij ligji, nga qeveria e udhëhequr nga ish-kryeministri Avdullah Hoti, ka filluar në janar të këtij viti dhe

nga kjo vlerë për bizneset, sistemin e shëndetësisë, për skemat sociale, arsim dhe kulturë, janë shpenzuar rreth 100 milionë euro. Me zgjedhjen e qeverisë së re, të udhëhequr nga kryeministri Albin Kurti, në muajin mars të këtij viti, u tha se Ligji për rimëkëmbje nuk është zbatuar për shkak të, siç u tha, "kostos së lartë buxhetore dhe rishikimit të ligjit".

Edhe subjektet opozitare në Kuvendin e Kosovës kanë kërkuar nga Qeveria e Kosovës që bizneset private të trajtohen me seriozitet pas vaksinimit të qytetarëve dhe kthimin në normalitet pas pandemisë, sepse pakot e deritanishme të rimëkëmbjes kanë qenë të pamjaftueshme për zhvillimin e aktivitetit të tyre biznesor.

Hamza: Kosova është vonuar me pakot për rimëkëmbje

Bedri Hamza nga Partia Demokratike e Kosovës, në një nga seancat e Kuvendit të Kosovës, ka kërkuar nga qeveria që sa më shpejt të bëhet rishikimi i buxhetit dhe

Ligji për Rimëkëmbje Ekonomike, në mënyrë që të fillohet të shpërndahet ndihma për bizneset. Kosova, sipas tij, qëndron larg vendeve të rajonit sa i përket ndihmës financiare. "Maqedonia e Veriut i ka miratuar gjashtë pako, me afër 900 milionë euro për bizneset. Qeveria e Republikës së Shqipërisë rreth 13 miliardë lekë (mbi 1 miliard euro) kontribute për ekonominë, Qeveria e Malit të Zi ka ndihmuar bizneset dhe qytetarët e saj në shumë prej një miliard eurosh", ka deklaruar Hamza.

Të gjitha vendet e Ballkanit Perëndimor kanë krijuar politika buxhetore dhe kanë përdorur stimuj buxhetorë për ta luftuar rënien ekonomike dhe për t'u dhënë mbështetje familjeve dhe bizneseve. Sipas Bankës Botërore, pas fillimit të pandemisë Qeveria e Serbisë ka shpallur paketën më të madhe të asistencës për ekonominë dhe qytetarët, me një ndikim të drejtpërdrejtë në buxhet prej 6.7-përqindësh të Bruto Produktit Vendor, pasuar nga Maqedonia e Veriut me 3.3 për qind, 2.9 për qind të BPV Kosova, 1.6 për qind Bosnja

dhe Hercegovina dhe me 1 për qind të Bruto Produktit Vendor bizneset i ka ndihmuar Mali i Zi.

Gërxfhaliu: Koha e fundit për rimëkëmbje ekonomike

Profesori i ekonomisë, Safet Gërxfhaliu, ka thënë se është koha e fundit kur Kosova duhet të mësojë nga përvojat e vendeve të rajonit sa i përket ndihmës që kanë shpërndarë për biznese dhe qytetarë për t'i rikuperuar humbjet nga pandemia. "Në qoftë se mendohet të kemi rimëkëmbje të shpejtë ekonomike, qeveria duhet të tregohet fleksibile, të gjejë mundësi financimi", shprehet Gërxfhaliu.

Ministri i Financave dhe Transfereve, Hekuran Murati, para deputetëve në Kuvendin e Kosovës, të hënën më 15 qershor, ka thënë se brenda ditësh do të publikohet një pako e re për rimëkëmbje ekonomike. "Keni besim, keni durim dhe shumë shpejt do të paraqesim para jush edhe buxhetin e rishikuar dhe pakon e rimëkëmbjes ekonomike dhe bashkërisht, me konstruktivitetin e të gjithëve, do mund të sigurohemi, sepse zhvillimi i ekonomisë së vendit, krijimi i vendeve të reja të punës, nuk është çështje vetëm e një subjekti politik, por është çështje e të ardhmes së këtij vendi", është shprehur Murati. Pamundësia e bizneseve në Kosovë për ta ushtruar aktivitetin e tyre në mënyrë normale, vitin e kaluar, ndikoi në punësimin dhe të ardhurat e qytetarëve, duke ndikuar kështu në mënyrë të drejtpërdrejtë në rënien ekonomike.

Në raportin e fundit të Bankës Botërore thuhet se rritja në vendet me ekonominë me të ardhura të ulëta këtë vit parashikohet të jetë më e ngadalta në 20 vjetët e fundit. Këto shtete me këtë ekonomi parashikohet ta kenë një rritje prej 2.9-përqindësh në vitin 2021, para se të arrijnë në 4.7 për qind në vitin 2022.

Punëtorët e Lotarisë së Kosovës: Qeveria nuk mbajti premtimin për të bërë zgjidhje

PRISHTINË, 21 QERSHOR - Punëtorët e Lotarisë protestuan të hënën para Qeverisë së Kosovës me kërkesën për miratimin e Ligjit për Lotarinë dhe kthimin në vendet e punës. Gjithashtu, paralajmëruan se do të vazhdojnë protestat edhe gjatë ditëve të punës deri në përmbushjen e

kërkesës së tyre. Përfaqësuesja e punëtoreve Ibadete Hasani-Berisha ka thënë se punëtorët e Lotarisë së Kosovës gjenden në një situatë të rënduar, pasi tash e një vit nuk kanë marrë paga. Ajo ka thënë se Qeveria e Kosovës i ka premtuar Sindikatës së Punëtorëve të Lotarisë se do të gjejë një

zgjidhje për punëtorët, mirëpo një premtim i tillë ende nuk është përmbushur. Ndërsa kryetari i Sindikatës i Lotarisë, Shkumbin Goçi, në këtë protestë ka theksuar se përderisa Lotaria e Kosovës është e mbyllur, në territorin e Kosovës, në veri të Mitrovicës dhe në Graçanicë funksionon Lotaria e Serbisë.



rikujtesë e botuar plotësuese

UDHËHEQËSI I POPULLIT SHQIPTAR ALI AHMETI DHE SHTETET E BASHKUARA TË AMERIKËS



Ismet SYLEJMANI

Populli shqiptar dhe historia e tij e luftërave për liri dhe pavarësi, në katalogun e tij, ka shumë pak udhëheqës të cilët hynë në rreshtin e parë dhe mbetën në ballin e listës, nga lartësia e së cilës jo vetëm nuk u hoqën kurrë, por përfunduan model e u benë kopje besnike, në të cilën u frymëzuan qindra dhe mijëra shqiptar të rinjë!

Udhëheqësi i popullit shqiptar Ali Ahmeti, është njëri nga ata, që si titan është futur në garë për të qenë i pari në kolonën e artë, të Udhëheqësit, te veprimtaria e të cilit ushqehet e ardhmja progresive e Kombit, te i cili Atdheu e ka birin besnik, te i cili politika ka modelin gjithnjë e më të perkryer, te i cili diplomacia reprezentuese ka burrin e urtë që e hedh hapin enmenduar dhe sigurtë drejt lidhjes se aleancave pozitive e jetike shekullore për vendin!

Ali Ahmeti në zemër të Kombit tonë ka hyrë përmes maratonës së gjatë mbi 40 vjeçare të aktivitetit të tij politiko-patriotik ilegal atdhetar, ushtarako-çlirimtar dhe aty është barikaduar dhe ka mbetur përgjithmonë, si njëri prej lindjeve më të mëdha dhe dalëzotësi besnik i intersave më vitale të Kombit të Tij, nga më të vjetrit e nga më të lashtit në Ballkan, Europe dhe botë!

Ali Ahmeti është i pari dhe i fundit deri tash në historinë e Atdheut tonë, që vargun e sukseseve të Tij, e vazhdon me ritëm e tempo të njëjtë, e cila jo vetëm shkon kreshendo, por ajo në valvulat e saj shënon rritje e ngritje, kualitative e kuantitative, të cilat po u tentuan të kapen nga të dyja anët, sikur shkopi, ska politikan që i përballon e i pushton ato anë, sepse brenda tyre ka histori legjendare që përmbledhin ngjarje të cilat tronditën botën dhe çliruan

shqiptarët nga të kqijat, nga okupimet, nga roberia, nga ndarjet dhe nga prapambetjet!

Udhëheqësi i popullit shqiptar Ali Ahmeti është i fundit nga gjenerata e re shqiptare, që është figura me e spikatur dhe që për busull të tij të aktiviteteve kombëtare kishte dhe ka dashurinë ndaj Nanë Shqipërisë e ndaj Kombit, kurse busull politike

përkrahu të nxjerr në krye të radhës dhe të bën fitimtar e të radhit në mesin e atyre me nivel e kredibilitet të lartë!

Udhëheqësi i popullit shqiptar Ali Ahmeti, është i pari ndër të mëdhenjtë që konstaton me të drejtë, se Europa edhe kur të përkrahë nuk mundet me ti rregulluar raportet me SHBA-të, nëse SHBA nuk të don, nëse ajo të izoluar e nëse të ka shpallur non grata, kurse

përfundimisht filozofinë dhe praktikën, se atë që e perkrasht dhe e mbështetë shteti gjigand i planetit SHBA, ai është demokrat e njerëzor, ai është me perspektivë dhe ligjzbatues, sepse në brendinë dhe përmbajtjen e tij ka Ameriken, e cila të mban në rresht të parë e të ulë ne ballë të kolonës së oxhakut të saj! Udhëheqësi i popullit shqiptar Ali Ahmeti në Rubikon të Klan

mbeshtetjen e Amerikës!

Udhëheqësi i popullit shqiptar Ali Ahmeti, përsëri në mbrëmjen e 21 Qershorit 2021, në intervistën e Tij në Klan Macedonia te gazetari Seladin Xhezairi e riperseriti dhe e rikonfirmoi, se SHBA është ajo që nuk ta imponon të mirën por ta ndëshkon të keqën, të mbronë nga të kqijat por të krijon rrugë e hapsira për mirëqenje e të mira, ska tjetër!



besnikërinë e tij te kursi përparimtar politiko-diplomatik të politikanit modern shqiptar që SHBA-të, jo vetëm e ka në plan të parë por e ka dhe e mbanë të pazëvendësueshme, sepse SHBA është jo vetem garantuesja dhe zbatuesja e çdo procesi dhe reforme pozitive kombëtare e ndërkombëtare njerëzore në botë, por është edhe besnikja e idealeve të mëdha, e cila po të

SHBA ti regullon raportet me Europën, edhe atëherë kur Europa është kundër!

Udhëheqësi i popullit shqiptar Ali Ahmeti në intervistën e datës 17 Qershor 2020, në Klan Kosova te gazetari Adriatik Kelmendi, u bë i pari politikan shqiptar që e tha shkoqur dhe i vuri pikë të madhe, se me kë është Amerika, ai patjetër se do të jetë në anën e fitimtarit!

Udhëheqësi i popullit shqiptar Ali Ahmeti e vulosi

Kosovës e tha me zë dhe u bë i pari politikan shqiptar, se kujt i del në mbrojtje Amerika, ai është i pashkelshëm, ai është i pamposhtur, ai është fitimtarë dhe bashkohet e ecë me progresivitet të plotë në hapin të cilin e akordon me aleat superfuqia e planetit SHBA!

Udhëheqësi i popullit shqiptar Ali Ahmeti për idenë e Tij të madhe për Kryeministrin e parë shqiptar në Maqedoninë e Veriut e ka perkrashtjen dhe

Udhëheqësi i popullit shqiptar Ali Ahmeti për idenë e Tij të madhe për një të ardhme të gjelbër jo vetëm të popullit shqiptar në Maqedoninë e Veriut, ashtu sikur e kishte përkrahjen e Amerikës, do ta ketë përsëri, sepse Ai e ka ndarë mendjen se nuk ka asgjë më të madhe se sa miqësia dhe Aleanca e popullit shqiptar me aleatin e madh Amerikën!

Prishtinë, 21 Qershor 2021!

EURO GLASS
 SAINT-GOBAIN SEKURIT PILKINGTON
 Enveri
 Adr: Fushë Kosovë
 Mob: 044 10 20 10 / 049 145 336
 E-mail: euro.glass@live.com



QENDRA SPORTIVE
'BUJQËSIA'
 TEL: 045/82 82 82

Kualifikohen Belgjika, Danimarka, Holanda, Austria dhe Zvicra



Prishtinë, 21 qershor (ER) - Belgjika me shumë mund e mposhti Finlandën me rezultat 0-2, por e mbylli rupin në vendi e parë me 9 pikë. Autogoli i Hrdecky dhe goli i Lukakut ishin të mjaftueshëm për fitoren e belgëve. Danimarka i bashkohet Belgjikës në Grupin B, duke u kualifikuar për në fazën tjetër në Kampionatin Evropian. Në Copenhagen, skuadra nordike mori një fitore spektakolare 4-1 kundër Rusisë. Në minutën e 38-të, Mikkel Damsgaard lëshon

një të djathtë fantastike në trekëndëshin e portës duke mos i dhënë asnjë mundësi reagimi portierit. Në fraksionin e dytë rusët bëjnë një gabim trashanik në mbrojtje, duke i dhënë mundësin Poulsenit që të shënojë edhe golin e dytë. Gjyqtari Turpin në minutën e 70-të dha një penallti për Rusinë, teksa nga pika e bardhë Artem Dzyba me eksperiencën e tij arriti ta finalizonte mjaft mirë. Christensen shënoi një super gol në minutën e 79-të me një

goditje shumë të fortë nga distanca. Dy minuta me vonë mbrojtësi Maehle e vulosi rezultatin final 1-4. Ndërsa Holanda dhe Austria janë dy kombëtarët tjera që e kanë siguruar kualifikimin në fazën tjetër të "Euro 2020". Holanda e mposhti Maqedoninë e Veriut me rezultat 3-0 dhe në këtë mënyrë e mbylli fazën e grupeve me 9 pikë. Dy gola për holandezët i shënoi Georginio Wijnaldum, kurse një tjetër e shtoi Memphis Depay. Maqedonia e mbylli kampionatin pa asnjë pikë të fituar. Ndërsa Austria pasi e mposhti Ukrainën me rezultat 1-0, e siguroi kualifikimin në fazën e dytë. Golin e vetëm e shënoi Christoph Baumgartner, në minutën e 21-të. Ukraina e mbylli grupin në vendin e tretë me 3 pikë. Zvicra është përfaqësuesja tjetër që e ka siguruar kualifikimin, por nga pozita e tretë.



Futbollisti i Skocisë, pozitiv në testin për Covid

Kombëtarja e Skocisë ka konfirmuar se futbollisti i tyre Billy Gilmour ka rezultuar pozitiv në analizat e Covid-19. Mesfushori tani do t'i ndjekë udhëzimet e stafit shëndetësor të ekipit Kombëtar dhe do të izolohet për 10 ditë. 20-vjeçari do ta humbasë ndeshjen e nesërme që kombëtarja e tij e zhvillon kundër Kroacisë.

Mulleri mungon ndaj Hungarisë

Prestigjiozja gjermane "SportBild" raporton se Thomas Muller nuk do të jetë i gatshëm për sfidën e fundit të grupeve ndaj Hungarisë. 31-vjeçari ka pasur probleme fizike dhe rrezikon edhe ndeshjen e fazës së 1/8-ave. Ende nuk është i qartë motivi i kësaj lodhje fizike, por Joachim Low rrezikon të mos ketë të gatshëm një nga lojtarët kryesor të pancerave. Gjermania renditet e dyta në Grupin F, nga ku e para klasifikohet Franca dhe më pas Portugalia dhe Hungaria.

Përfundon Evropiani për Dembele

Ousmane Dembele e ka humbur pjesën tjetër të Evropianit. Ylli i Barcelonës pësoi një dëmtim muskolor në ndeshjen me Hungarinë dhe do t'i duhen të paktën tri javë për t'u rikuperuar. "Ousmane Dembele ka kryer një ekzaminim me rreze X në spitalin e Budapestit mbrëmjen e së dielës. Koha e rikuperimit të sulmuesit nuk është e pajtueshme me qëndrueshmërinë e tij në skuadër. Pasi diskutuam me lojtarin dhe mjekun e ekipit, Franck le Gall dhe trajneri Didier Deschamps kanë bërë të ditur se Ousmane Dembele nuk do të jetë i gatshëm për Francën në pjesën e mbetur të Evropianit", thuhet në njoftimin e Federatës Franceze të Futbollit.

GRUPI B	
Finlanda - Belgjika	0-2
Rusia - Danimarka	1-4
Tabela	
1. Belgjika	9 pikë
2. Danimarka	3
3. Finlanda	3
4. Rusia	3
GRUPI C	
Maqedonia e Veriut - Holanda	0-3
Ukrainë - Austri	0-1
Tabela	
1. Holanda	9 pikë
2. Austria	6
3. Ukraina	3
4. Maqedonia	0

Vilëza Zeqiri, kampione e Kosovës në kategorinë Pionere

PRISHTINË, 21 QERSHOR - Sportistja Vilëza Zeqiri është shpallur kampione në sportin e gjimnastikës, në

garat e organizuara nga Federata e Gjimnastikës e Kosovës, në kategorinë Pionere. Vilëza ka arritur që

të zë vendin e parë në nivel shteti dhe të shpallet kampione e Kosovës, duke ia sjellë klubit të saj "ELITA"

katër medalje, dy të arta dhe dy të argjendta. Vilëza Zeqiri llogaritet një nga talentet më të mëdha në Kosovë.



Khaka: Njerëzit duan ta shkatërrojnë Zvicrën por, kot e kanë

CYRRIH, 21 QERSHOR - Granit Xhaka iu ka reaguar kritikëve dhe mediave zvicerane pas fitores shpresëdhënëse të Zvicrës 3-1 kundër Turqisë në ndeshjen e fundit grupore në "Euro 2020", duke thënë se ata po përpiqen ta rrënojnë ekipin zviceran me, siç i quajti ai, gjëra të vogla dhe të parëndësishme. Xhaka, i cili është duke e udhëhequr Zvicrën si kapiten në këtë turne, ishte në qendër të kritikave bashkë me Xherdan Shaqirin dhe bashkëlojtarët e tjetër nga tifozët dhe mediat zvicerane pas barazimit me Uellsin në ndeshjen hapëse dhe humbjes ndaj Italisë në ndeshjen e dytë. "Trysnia mbi ne ishte e jashtëzakonshme. E drejtë apo e padrejtë, tani nuk ka rëndësi. Por ne patëm një bisedë të mirë si ekip, veçanërisht të shtunën. Ne ishim të hapur ndaj njëri-tjetrit dhe folëm për atë që na bënë të fortë", ka thënë Xhaka. "Ne jemi



kritikuar shumë për gjëra të vogla të cilat mendoj se nuk janë të rëndësishme. Ju siguroj për një gjë: ky ekip nuk mund të shkatërrohet me gjëra të tilla. Ne nuk mund të kemi ndikim mbi atë që ndodh jashtë (ekipit). Ajo të cilën ne mund ta ndikojmë është karakteri i këtij ekipi. Këtë e dëshmuam sot. Ne e dimë që

jemi të fortë kur e kemi topin në këmbë. Të gjithë e kërkuam topin në këtë ndeshje. Sot treguam se çfarë mund të bëjmë. Njerëzit po përpiqen ta shkatërrojnë këtë ekip duke folur shumë dhe duke shkruar shumë. Por, siç thashë: ky ekip nuk mund të rrënohet nga gjëra të tilla!", ka shtuar Xhaka.

Blind: Erikseni do të rikthehet përsëri në fushë

AMSTERDAM, 21 QERSHOR - Christian Eriksen ka tronditur botën e futbollit në ndeshjen e tij të parë me Danimarkën këtë evropian. Mesfushori i famshëm danez pësoi një sulm në zemër në ndeshje ndaj Finlandës dhe luftoi me jetën. Për fat të mirë, Erikseni ia doli të shpëtojë dhe tanimë është liruar edhe nga spitali, derisa e gjithë bota e sportit ishte në përkrahje të tij. Të njëjtin problem si të danezit e kishte edhe mbrojtësi holandez Daley Blind disa vjet më parë. Mbrojtësi holandez ka thënë se rasti i ndodhur i Eriksenit e goditi atë rëndë, pasi ai kishte përjetuar të njëjtën ngjarje. "Imazhet e tij në fushë patën një impakt të madh tek unë. Më është dashur të kaloj një pengesë të madhe psikologjike për t'u rikthyer sërish në fushë.



Kur më ndodhi mua e gjithë bota thoshte që kisha mbaruar si lojtar, që nuk do të isha rikthyer më. Ja ku ndodhem tani. Për këtë arsye, u them të gjithëve, që ta lënë Christianin

të qetë, pasi ai ka nevojë vetëm për qetësi", ka thënë Blind. Kujtojmë se Blind dhe Eriksen kanë luajtur së bashku tek Ajaxi vite më parë dhe janë miq të mirë.

SHKURT

Krasniqi: Duhet ta marrim seriozisht ndeshjen ndaj Folgores

Mesfushori i Prishtinës, Endrit Krasniqi, ka thënë se kundërshtarit nuk e njohin aspak, por duhet ta marrim seriozisht ndeshjen. Prishtina luan ndaj Folgores në ndeshjen e Ligës së Kampionëve. "Mendoj se na ka bërë shumë ky grumbullim para ndeshjes këtu në Shqipëri. Kemi krijuar një lloj adaptimi me klimën këtu, sepse është më nxehtë se në Prishtinë", ka thënë Krasniqi për faqen e klubit "prishtinafc.com". "Gjendja e ekipit është shumë e mirë, janë të përgatitur sidomos duke e ditur rëndësinë e këtij turniri. Na pret së pari ndeshja e parë dhe për ne është e paparashikuar megjithëse konsiderohemi favorit. Të them të drejtën kundërshtarit nuk e njohim aspak, por ne duhet ta marrim seriozisht ndeshjen. Në letër konsiderohemi favoritë, por në fushë di të befasojë çdo ekip. Thjesht, përqendrim dhe seriozitet maksimal", ka deklaruar Krasniqi.

Aprovohet prania e 10 000 tifozëve në 'Tokio 2020'

Tokio po bëhet gati t'i presë Lojërat Olimpikë që do të zhvillohen nga data 23 korrik deri më 8 gusht, teksa Komiteti Organizativ i tyre ka marrë më në fund një vendim mjaft të rëndësishëm, që lidhet me praninë e publikut. Kështu pasi u vendos që të mos lejohej asnjë tifoz jo japonez, ky komitet aprovoi dje zyrtarisht praninë e një maksimumi prej 10 mijë tifozësh në çdo ngjarje të Lojërave Olimpikë. Vendimi është marrë në një mbledhje online, ku ishin të pranishëm kreu i Komitetit Olimpik, Thomas Bach, guvernatorja e Tokios, Yuriko Koike dhe ministrja e Sporteve, Tamayo Marukawa. Sipas vendimit, tifozët nuk do të lejohen të ekzaltohen e festojnë në tribuna, janë të detyruar të mbajnë gjatë gjithë kohës maskë dhe menjëherë pasi të dalin nga impiantet sportive, duhet të shkojnë në shtëpi.

Interi rrëmben Calhanoglu nga Milani

Kanë mbetur edhe disa detaje për t'u sistemuar, por mediat italiane e quajnë të kryer: Calhanoglu do të jetë lojtar i Interit. Sipas mediave italiane, futbollisti turk do t'u nënshtrohet të martën vizitave mjekësore dhe do të lidhë një kontratë me Interin për tre vjet, ku do të përfitojë në total 15 milionë euro plus bonuse. Mesfushorit i përfundon kontrata me Milanin dhe Interi ka siguruar shërbimet e tij pa shpenzuar as edhe një cent nga operacioni.

Donnarumma te PSG-ja, kryen testet mjekësore

Gianluigi Donnarumma do të luajë te PSG-ja sezonin e ardhshëm dhe kjo nuk ka më dyshime. Portieri në fund të muajit del si lojtar i lirë dhe më pas do të bashkohet me PSG-në. Marrëveshja në mes të palëve është arritur dhe ditën e sotme portieri italian u është nënshtuar vizitave mjekësore. Për shkak të grumbullimit me Italinë për Evropianin, PSG-ja është detyruar t'i dërgojë mjekët në Romë për vizitat mjekësore të Donnarummës. Ky i fundit e mbylli me Milanin dhe tashmë do ta vazhdojë karrierën me francezët. Donnarumma do të firmosë deri në vitin 2026 me PSG-në, teksa do të përfitojë 12 milionë euro në sezon.

Gosens po shkëlqen me Gjermaninë, kërkohet nga Barcelona

Pas një sezoni shumë të mirë në radhët e Atalantës, Robin Gosens ka tërhequr vëmendjen e klubeve të mëdha evropiane dhe me paraqitjen e tij me kombëtaren gjermane në "Euro

2020". Sipas mediave italiane, Barcelona po e vëzhgon me shumë interes 26-vjeçarin, i cili do të ishte një përforsim ideal për repartin e prapavijës së klubit katalanas.

Drejtuesit e blaugranave kanë nisur kontaktet e para me klubin nga Bergamo për ta kuptuar më mirë situatën e krijuar rreth të ardhmes së mbrojtësit. Atalanta kërkon të

përfitojë në maksimum në rast të shitjes së lojtarit dhe për këtë arsye nuk ka aspak ndërmend të pranojë ulje për kartonin e Gosens, që e vlerëson 35 milionë euro.



Republika e Kosovës
Republika Kosova/ Republic of Kosovo
 Këshilli Prokurorial i Kosovës/ Tužilački Savet Kosova/Kosovo Prosecutorial Council
 Sekretariati / Sekretarijat / Secretariat



Në bazë të në bazë të nenit 31 të Ligjit Nr. 06/L-056 për Këshillin Prokurorial të Kosovës, në bazë të Ligjit Nr.03/L-149 për Shërbimin Civil të Republikës së Kosovës, Rregullores Nr. 02/2010 për Procedurat e Rekrutimit në Shërbimin Civil të Kosovës, Aktgjykimit nr. Ref AGJ.1583/20 të datës 09 Korrik 2020, si dhe Vendimit të Këshillit Prokurorial të Kosovës KPK/Nr. 193/2021 të datës 26 Mars 2021, Sekretariati i Këshillit Prokurorial të Kosovës, rishpall këtë:

KONKURS

I. Administrator i Lartë i TI-së për Baza të të Dhënave

Sekretariati i Këshillit Prokurorial të Kosovës, një (1) pozitë

Referenca: Kodi: KPK/SKPK/POZ 008
 Emri pozitës: Administrator i lartë i TI-së për Baza të Dhënave
 Pozita: Pozitë e karrierës
 Kategoria funksionale: Profesional
 Raporton tek: Udhëheqësi i Divizionit
 Numri i Pozitave: Një (1) pozitë
 Koeficienti: 9
 Akt emërim: Pa afat
 Vendi: Prishtinë

Qëllimi i vendit të punës:

Nën mbikëqyrjen e Udhëheqësit të Divizionit për Sisteme Elektronike (softuer), Administratori i lartë TI-së për baza të të dhënave është përgjegjës për administrimin e gjitha aplikacioneve në sistemin prokurorial, zhvillim të procedurave për masat e sigurisë së aplikacioneve dhe funksionim të tyre.

Detyrat dhe përgjegjësitë kryesore:

Zhvillon dhe implementon aplikacionet/module te reja, sistemet softuerike, dhe/ose përmirësimin e aplikacionit ekzistues në kuadër të SKPK-se;

Instalon, konfigurim dhe administron në mënyrë efektive ueb serveret;

Kryen veprime të përditshme të zhvillimit, mirëmbajtjes dhe administrimit të sistemeve, duke përfshirë edhe funksionet e administrimit të bazës së shënimeve, konfigurimin dhe përshtatjen/akordimin e performances së aplikacioneve dhe bazave të shënimeve të aplikueshme në sistemin prokurorial;

Siguron mirëmbajtjen dhe mbështetjen teknike për sistemet duke përfshirë përcaktimin dhe korrigjimin e problemeve teknike;

Kryen instalimin e sistemeve dhe bazave të shënimeve duke përfshirë instalimin dhe konfigurimin e komponentëve të anës së klientit.

Negocion me mes të përdoruesve të sistemeve dhe bazave të shënimeve dhe ofruesve të jashtëm të shërbimeve në mënyrë që të arrihet një zgjidhje e shpejte e problemeve. Ofron asistencë teknike dhe trajnime për përdoruesit fundor.

Asiston gjatë procesit të përzgjedhjes dhe të analizës të punës së sistemeve apo bazave të shënimeve të reja, ridisajnimin, plotësimin me të dhëna dhe uljen/reduktimin e duplikimit të të dhënave, çështjet e krijimit dhe te integritimit. Bënë administrimin e ueb aplikacioneve, merret me ngjarjet (events), mbështetjen, kopjet rezerve (back up) dhe rikthimin (recovery) e tyre në funksion;

Kujdeset për të rregulluar punën e regjimit të sigurisë së aplikacioneve, zbulimit eventual të ndërhyrjeve pa leje dhe sanimit që shkaktohen nga këto ndërhyrje në sistemet e TI-së. Përgatit dokumentacionin e sistemit, udhëzimet punuese dhe procedurat standarde të punës në bashkëpunim të ngushtë me palët tjera përkatëse të kësaj;

Të sigurojë që procedurat e testimit janë të përcaktuara/definuar, të dokumentuara dhe të zbatueshme.

Analizon dhe vlerëson proceset e punës se rregullt që duhet të kryhet.

Kryen çdo detyrë tjetër që korrespondon ose mund të ndihmojë në kryerjen e funksioneve të administratorit të bazës së të dhënave për të rritur efikasitetin dhe efektivitetin e funksioneve të infrastrukturës së sistemeve.

Kryen çdo detyrë tjetër që korrespondon ose mund të ndihmojë në kryerjen e funksioneve të administratorit të bazës së të dhënave për të rritur efikasitetin dhe efektivitetin e funksioneve të infrastrukturës së sistemeve.

Njohuritë, shkathtësitë dhe aftësitë për vendin e punës:

Certifikata për zhvillimin e aplikacioneve në platformën e Microsoft apo te ngjashme; në programin si në: Java, ASP.Net, C#, VB.Net, XML , Web Services , HTML dhe platforma të tjera të njohura në këto;

Kuptoj dhe mbështet përkthimin e kërkesave funksionale të sistemeve në prokurori ;

Njohuri të thellë në fushën profesionale specifike të fituar përmes arsimimit universitar dhe trajnimeve përkatëse;

Shkathtësi hulumtuese, analitike, vlerësuese dhe formulim të rekomandimeve dhe këshillave profesionale;

Përgatitja profesionale dhe kualifikimi:

Diplomë Universitare në Inzhinieri Kompjuterike ose Shkenca Kompjuterike.

Përvoja e Punës:

Tri (3) vite përvojë punë në fushën e TI-së.

II. Zyrtar për Buxhet dhe Financa

Prokuroria Themelore Prizren, një (1) pozitë

Referenca: Kodi: KPK/SKPK/ZKPSH/PA/PSRK/PTH/POZ - 009
 Emri pozitës: Zyrtar për Buxhet dhe Financa
 Pozita: Pozitë e karrierës
 Kategoria funksionale: Profesional
 Raporton tek: Administratori i Prokurorisë
 Numri i pozitave: Një (1) pozitë
 Koeficienti: 7
 Akti i emërimit: Pa afat
 Vendi: Prizren

Qëllimi i vendit të punës:

Zyrtari Financiar brenda njësisë organizative planifikon nevojat buxhetore, kontrollon rregullsinë e faturave, përditëson të dhënat në sistemin e pagesave për avokatë dhe ekspertë, mban evidencën e faturave si dhe sigurohet që dorëzimi i faturave të bëhet brenda afateve ligjore.

Detyrat dhe përgjegjësitë kryesore:

Në konsultim me administratorin dhe kryeprokurorin përgatit nevojat për rishikim të buxhetit, nevojat buxhetore për vitin e ardhshëm dhe planifikimet e hershme për 2 vitet në vijim.

Sigurohet që faturat brenda njësisë organizative janë të rregullta, të sakta, dhe të plota dhe mban evidencën e faturave dhe sigurohet që të mos ketë përsëritje të faturave dhe të jene brenda afateve ligjore.

Regjistron dhe përditëson sistemin e pagesave për avokatë dhe ekspertë.

Sigurohet që kërkesat për para të imta (petty cash) të jenë bazuar në ligj dhe përgatit kërkesat respektive.

Përgatitja e kërkesave për mëditje dhe avanca për të gjithë personelin e njësisë organizative.

Përgatit urdhër blerjet, kërkesat për zotime dhe shlyerje të obligimeve për të gjitha faturat e njësisë organizative si dhe sigurohet që të gjitha të jenë të nënshkruara nga zyrtarët autorizues.

Harton raporte të rregullta dhe ad hoc për gjendjen e faturave në njësinë organizative dhe njësinë qendrore

organizative dhe raporton në baza të rregullta për obligimet e faturave të papaguara në njësinë qendrore organizative.

Përgatit plan të punës në përputhje me ligjin, rregulloret, politikat dhe procedurat përkatëse, brenda afateve kohore të caktuara.

Kryen çdo detyrë tjetër në përputhje me legjislacionin në fuqi të cilat mund të kërkojnë në mënyrë arsyeshme kohë pas kohe sipas kërkesës së Zyrtarit Kryesor Financiar dhe mbikëqyrësit të drejtpërdrejtë;

Njohuritë, shkathtësitë dhe aftësitë për vendin e punës:

Njohuri të shkëlqyera profesionale nga lëmin e financave publike;

Njohuri të shkëlqyera e gjithëpërfshirëse profesionale lidhur me financat;

Njohuri me aftësi të mira të punës me kompjuter me aplikim të programeve (Microsoft Word, Excel, Access Power Point) dhe internetin;

Shkathtësi të punojë në mjedis shumetnik dhe për punë ekipore;

Shkathtësi për të caktuar synimet më të rëndësishme dhe dhënia e prioriteteve atyre;

Aftësi për ndërmarrjen e iniciativave konkrete gjatë punës dhe lidhur me të;

Aftësi për ta mbajtur kualitetin e punës edhe në kushte të punës nën presion;

Përgatitja profesionale dhe kualifikimi:

Diplomë Universitare, Fakulteti Ekonomik

Përvoja e Punës:

2 vite përvojë pune profesionale.

• Konkursi është i hapur 15 ditë kalendrike nga dita e publikimit në faqen zyrtare të Sistemit Prokurorial të Republikës Kosovës, si dhe në gazetën ditore, duke filluar nga data 22.06.2021 deri me datë 06.07.2021 si datë e mbylljes së konkursit

• Kërkesa (aplikacioni) për punësim gjendet në web faqen: www.prokuroria-rks.org.

• Aplikimi në mënyrë elektronike: Pas plotësimit, aplikacionit i bashkëngjiteni dokumentet e skanuara të cilat kërkojnë sipas konkursit në formatin PDF, dokumentacioni dërgohet në postën elektronike: burimet.njerëzore@rks-psh.org, ku me pas ju do të pranoni konfirmimin për dërgesën e aplikacionit tuaj në mënyrë elektronike.

• Aplikimi përmes postës: Kërkesat e kompletuara me dokumente mund të dorëzohen edhe përmes postës në Divizionin e Burimeve Njerëzore të Sekretariatit të Këshillit Prokurorial të Kosovës, adresa: Rr. "Luan Haradinaj", nr. 100, Kati 7, zyra nr. 702, 10000 Prishtinë.

• Aplikacionet e dërguara me postë, të cilat mbajnë vulën postare mbi dërgesën e bërë ditën e fundit të afatit për aplikim, do të konsiderohen të vlefshme dhe do të merren në shqyrtim, nëse arrijnë brenda 4 katër ditësh, aplikacionet që arrijnë pas kësaj afati, dhe ato të pakompletuara nuk do të shqyrtohen fare.

• Në rast nevojë mund të na kontaktoni në, tel: 038/200 18874 prej orës 08:00 – 16:00.

Kushtet e pjesëmarrjes në konkurs:

- Të drejtë aplikimi kanë të gjithë qytetarët e Republikës së Kosovës të moshës madhore të cilët kanë zotësi të plotë për të vepruar, janë në posedim të të drejtave civile dhe politike, kanë përgatitjen e nevojshme arsimore dhe aftësinë profesionale për kryerjen e detyrave dhe të cilët kanë aftësi fizike që kërkojnë për pozitën përkatëse.

- Sekretariati i Këshillit Prokurorial të Kosovës, ofron mundësi të barabarta të punësimit për të gjithë shtetasit e Kosovës dhe mirëpret aplikacionet nga të gjithë personat e gjinisë mashkullore dhe femërore nga të gjitha komunitetet në Kosovë.

- "Komunitetet jo-shumicë dhe pjesëtarët e tyre kanë të drejtë për përfaqësim të drejtë dhe proporcional në organet e shërbimit civil të administratës publike qendrore dhe lokale siç specifikohet në nenin 11, paragrafi 3 të Ligjit Nr.03/L-149 për Shërbimin Civil të Republikës së Kosovës."

Aplikacionit duhet t'i bashkëngjiten kopjet e skanuara të dokumentacionit të kërkuar:

- Dëshminë e kualifikimit shkollor; - Dëshmi mbi përvojën e punës,

- Vërtetimi dhe kontrata e punës (Letër referenca apo Rekomandimi nuk pranohet si dëshmi mbi përvojën e punës);

- Dy rekomandime (nëse keni);

- Kopjet e dy raportëve të fundit të njëpasnjëshme të vlerësimit të punës (nëse ekzistojnë të tilla);

- Dokumentin e identifikimit-letërnjoftimi i fotokopjuar;

- Certifikatë nga Gjykata që nuk jeni nën hetime.

• Në lidhje me datën e mbajtjes së testit me shkrim dhe intervistës, për kandidatët të cilët i plotësojnë kushtet e parapara sipas këtij konkursi, kandidatët do të njoftohen bazuar në legjislacionin në fuqi.



Gjej PUNË

- Lajme nga tregu i punës
- Shërbime shkrimi

Gjej Punë ofron shërbime drejtë përgatitjes së:

- CV-së
- Letrën Motivuese
- Parapregatitje për intervistë



facebook

www.facebook.com/gjejpuneshpejte

RESTAURANT

SWISS

TAVERNA

Tel: +377 45 400 156

+386 49 848 553

PRISHTINË



Republika e Kosovës
Republika Kosovo/ Republic of Kosovo
Këshilli Prokurorial i Kosovës/ Tužilački Savet Kosova/Kosovo Prosecutorial Council
Sekretariati/ Sekretarijat/ Secretariat



Na osnovu člana 31 Zakona br. 06/L-056 o Tužilačkom Savetu Kosova, na osnovu Zakona br.03/L-149 o Civilnoj službi Republike Kosova i Pravilnika br. 02/2010 o Postupku Zapošljavanja u Civilnoj Službi Kosova, u skladu sa Presudom br. Ref AGJ.1583/20 od 09. jula 2020. godine kao i Odluke Tužilačkog Saveta Kosova KPK/br. 193/2021 od 26. marta 2021. godine, Sekretarijat Tužilačkog Saveta Kosova ponovno objavljivanje:

KONKURS

I. Viši Administrator IT -a za Baze Podataka

Sekretarijat Tužilačkog Saveta Kosova, jedna (1) pozicija

Referenca: Kod: KPK/SKPKPOZ - 008
Naziv pozicije: Viši Administrator IT -a za baze podataka
Pozicija: Pozicija od karijere
Funkcionalna kategorija: Profesional
Izveštava: Rukovodilac Divizije
Broj Pozicija: Jedna (1) pozicija
Koeficijent: 9
Akt o imenovanju: Neograničen
Mesto: Priština

Cilj radnog mesta:

Pod nadzorom šefa Odsjeka za Elektronske Sisteme (softver), viši administrator IT-a baze podataka odgovoran je za upravljanje svim aplikacijama u sistemu tužilaca, razvijanje procedura za mere sigurnosti aplikacija i njihovo funkcionisanje.

Glavne obaveze i odgovornosti:

Razvija i implementira nove aplikacije / module, softverske sisteme i / ili ispravljanje postojeće aplikacije u okviru STSK-a;

Instalira, konfigurira i upravlja veb servere na efektivan način;

Obavlja svakodnevne operacije razvoja sistema, održavanja i upravljanja sistema, uključujući funkcije administracije baze podataka, konfiguraciju i prilagođavanje / akordiranje performanse aplikacija i baze podataka primenljive na tužilačkom sistemu ;

Obezbeđuje održavanje i tehničku podršku za sisteme uključujući određivanje i ispravljanje tehničkih problema;

Obavlja instalaciju sistema i baze podataka uključujući instalaciju i konfiguraciju komponenti za klijente;

Pregovara između korisnika sistema i baze podataka i spoljnih provajdera za usluge kako bi se došlo do brzog rješavanja problema. Pruža tehničku pomoć i obuku za krajnje korisnike.

Pomaže tokom procesa izbora i analize rada novih sistema ili baze novih podataka, redizajniranja, dopunjavanja podataka i smanjenja / reduktovanja dupliranja podataka, pitanja stvaranja i integracije.

Upravlja veb aplikacijama, bavi se događajima, podrškom, rezervnim kopijama (back up) i njihovo ponovno vraćanje u funkciji (recovery);

Pobrine se da uređuje rad režima aplikacijskih sigurnosti, eventualnog otkrivanja neovlašćenih intervencija i saniranja koja se uzrokuju ovim intervencijama u sistemima IT-a. Priprema dokumentaciju sistema, radna uputstva i standardne radne procedure u uskoj saradnji sa ostalim relevantnim strankama koje su uključene; Obezbediti da procedure testiranja su određene/ definisane, dokumentovane i sprovođne.

Analizira i ocenjuje procese redovnog rada koji se treba obavljati.

Obavlja svaki zadatak koji odgovara ili može pomoći u obavljanju funkcija administratora baze podataka kako bi povećao efikasnost i efektivnost funkcija sistemskih infrastruktura.

Znanja, veštine i iskustva za radno mesto:

Sertifikat za razvoj aplikacija na Microsoft platformi ili slično;

Iskustvo u programiranju: Java, ASP.Net, C #, VB.Net, KSMML, Veb usluge, HTML i druge poznate platforme na vebu;

Razumjeti i podržati prevod funkcionalnih zahteva sistema u tužilaštvo;

Veliko znanje u specifičnu stručnu oblast stečeno kroz univerzitetsko obrazovanje i odgovarajuću obuku;

Istraživačke, analitičke, evaluacijske veštine i formulisanje preporuka i stručnih saveta;

Stručna sprema i kvalifikacije:

Univerzitetska Diploma Kompiuterske Inžinjerije ili Kompiuterskih Nauka.

Radno iskustvo:

Tri (3) godine radnog iskustva u oblasti IT-a.

II. Službenik za Budžet i Finansije

Osnovno Tužilaštvo u Prizrenu, jedna (1) pozicija

Referenca: Kod: KPK/SKPK/ZKSHP/PA/PSRK/PTH/POZ - 009
Naziv pozicije: Službenik za Budžet i Finansije
Pozicija: Pozicija karijere
Funkcionalna kategorija: Profesionalna
Izveštava: Administratoru Tužilaštva
Broj pozicija: Jedna (1) pozicija
Koeficijent: 7
Akt o imenovanju: Neograničen
Mesto: Prizren

Svrha radnog mesta:

Finansijski službenik u okviru organizacione jedinice planira budžetske potrebe, proverava ispravnost računa, ažurira podatke u platnom sistemu za advokate i stručnjake, vodi evidenciju računa i osigurava da se predaja računa vrši u zakonskim rokovima.

Glavne dužnosti i odgovornosti:

U konsultaciji sa administratorom i glavnim tužiocem priprema potrebe za pregledom budžeta, budžetske potrebe za sledeću godinu i rano planiranje za naredne 2 godine.

Osigurava da su računi u organizacionoj jedinici redovni, tačni i potpuni i da prati račune i osigurava da ne dolazi do dupliranja računa i da su u zakonskim rokovima.

Registruje i ažurira sistem plaćanja za advokate i stručnjake.

Osigurava da se potraživanja za sitni novac (petty cash) zasnivaju na zakonu i priprema odgovarajuća potraživanja.

Priprema dnevnica i avansnih zahteva za celo osoblje organizacione jedinice.

Priprema naloge za kupovinu, zahteve za preuzimanje obaveza i izmirivanje obaveza za sve račune organizacione jedinice i osigurava da su svi potpisani od strane službenika za odobravanje.

Sastavlja redovne i ad hoc izveštaje o statusu računa u organizacionoj jedinici i centralnoj organizacionoj jedinici i redovno izveštava o neizmirenim obavezama po fakturi u centralnoj organizacionoj jedinici.

Priprema plan rada u skladu sa zakonom, propisima, politikama i procedurama, unutar određenih rokovima.

Obavlja sve druge dužnosti u skladu sa važećim zakonom koji se mogu povremeno zatražiti na razuman način od strane glavnog finansijskog direktora i direktnog nadzornika;

Znanje, veštine i sposobnosti za radno mesto:

Odlično profesionalno znanje u oblasti javnih finansija;

Odlično i sveobuhvatno profesionalno znanje vezano za finansije;

Dobro poznavanje računarskih veština i primenjivanje aplikacija (Microsoft Word, Excel, Access, Power Point) i interneta;

Veštine za rad u multietničkom okruženju i za timski rad;

Sposobnost postavljanja najvažnijih ciljeva i davanja prioriteta istima;

Sposobnost preduzimanja konkretnih inicijativa tokom rada i u vezi sa istim;

Sposobnost održavanja kvaliteta rada čak i u radnim uslovima pod pritiskom;

Profesionalna sprema i kvalifikacije:

Univerzitetska Diploma, Ekonomski Fakultet

Radno iskustvo:

2 godine profesionalnog radnog iskustva.

• Konkurs je otvoren 15 kalendarskih dana od dana objavljivanja na službenoj stranici Državnog Tužioca i Tužilačkog Saveta Kosova, kao i u dnevne novine, počevši od **22.06.2021** do **06.07.2021** kao datum isteka konkursa.

• Prijava (aplikacije) za zaposlenje dostupna je na Internetu: www.prokurorija-rks.org.

• **Prijava elektronskim putem:** Nakon popunjavanja prijave priložite skenirane dokumente potrebne konkursom u PDF formatu, dokumentacija se šalje na elektronsku poštu: burimet.njerezore@rks-psh.org, gde ćete dobiti potvrdu o isporuci svoju prijavu elektronskim putem.

• Prijava poštom: Zahtevi popunjeni dokumentima takođe se mogu predati poštom Odeljenju za Ljudske Resurse Sekretarijata Tužilačkog Saveta Kosova, adresa: Rr. „Luan Haradinaj“, br. 100 Sprat 7, kancelarija br. 702, 10000 Priština.

• Aplikacije poslate putem pošte, koje sadrže poštanski pečat nad pošiljkom sa datumom poslednjeg dana roka za apliciranje, smatraće se važećim i uzeće se na razmatranje, ako stižu u roku od 4 dana, aplikacije koje stižu posle ovog roka ili su nekompletirane neće se uzeti u obzir uopšte.

• U slučaju potrebe možete da nas kontaktirate na, tel: 038 / 200 18874 od 08:00 do 16:00 časova.

Uslovi učešća na konkursu:

- Pravo apliciranja imaju svi građani Republike Kosova odrasle dobi koji imaju punu sposobnost delovanja, poseduju civilna i politička prava, imaju potrebnu školsku spremu i stručne sposobnosti za vršenje dužnosti kao i fizičkih sposobnosti koja se traže za dotičnu poziciju.

- Sekretarijat Tužilačkog Saveta Kosova, pruža jednake mogućnosti zapošljavanja svim državljanima Kosova i dočekuje aplikacije od sviju osoba muškog i ženskog pola iz redova svih zajednica na Kosovu.

- „Nevećinske zajednice i njihovi pripadnici imaju pravo na pravedno i proporcionalno zastupanje u organima civilne službe centralne i lokalne državne administracije kao što je specifikovano članom 11, stav 3 Zakona br. 03/L-149 za Civilnu Službu Republike Kosova“.

• Aplikacijama se moraju sastaviti kopije zatražene dokumentacije:

- Svedočanstvo školske spreme; - Dokaz o radnom iskustvu;

- Potvrda i radni ugovor (Referentno pismo ili preporuka se ne prihvataju kao dokaz radnog iskustva).

- Dve preporuke (ako imate); - Kopije dva poslednja naizmenična izveštaja procene rada (ako takvi postoje);

- Dokument identifikacije-fotokopirana lična karta; - Uverenje od Suda da niste pod istragom.

• U vezi datuma održavanja pismenog testa i intervjua, za kandidate koji ispunjavaju uslove koji su predviđeni na osnovu ovog konkursa, kandidati biće obavesteni na osnovu važećeg zakonodavstva.

>> SHPALLJE TË VOGLA <<

► Fatlind Krasniqi shpall të pavlefshme dëftesat e kl VI - IX shfmu " Hatmaxha " Hatmaxhe.

► Branko Dordevic shpall të pavlefshme dëftesat e kl I - VIII shfmu " Lidhja e Prizrenit " Prizren.

► Era Kastrati shpall të pavlefshme dëftesat e kl VI - IX shfmu " Mati Logoreci " Prizren.

► Omer Duraki shpall të pavlefshme diplomën shmt "11 Marsi " Prizren.

► Besfort Shoshi shpall te pa vlefshme dëftesat e kl.X,XI,XII,XIII te Sh.M.E. "Kadri Kusari" në Gjakovë.

► Lorena Zenuni shpall te pa vlefshme dëftesën e plot te Sh.F.M.U. "Zekiria Rexha" në Gjakovë, nga kl. I -V dhe VI - IX.

► Vijon Byci shpall te pa vlefshme diplomën e Gjmnazit "Hajdar Dushi" në Gjakovë.

► Jap banesë me qira afër 60 m2, kati III-Lagja Mati 1 Rr.Z3-Si Theodor Muzaka nr.14. në Prishtinë. Banesa posedon dhoma gjumi dhe sallon, kuzhinë, korridor banjo ballkon . Banesa është e mobiluar komplet, preferoj ta jap banesën me qira për afat të gjatë. Tel: +38344185233.

► Lëshoj banesë me qira në lagjen "Dardania" në Prishtinë. Banesa ka 50 m2, me inventar të kompletuar, banesa ka kuzhinë me sallon, teras, banjo një dhomë gjumi, shpajz dhe korridor, banesa lëshohet për një qift ose për dy vajza. Tel: 044171328.

► Lëshoj shtëpinë me qira në lagjen Velania, pa pagesë sepse shtëpia ka nevojë për përkujdesje ndërsa shpenzimet mujore ti bëjë vetë banuesi si: ujë rrym bërlllok, Tel: 044-608-626.

► Lëshoj banesë me qira për student apo familjar në lagjen "Mati 1" Rr. "Muharrem Fejza", banesa është 70 m2 dhe i plotëson të gjitha kushtet, kati dytë ndërtim i ri tel: 044-686-900.

► Lëshoj banesë me qira, banesa është ndërtim i ri dhe gjendet në lagjen "Mati 1" rruga "Muharrem Fejza" Prishtinë. Tel: 044-686-900.

► Lëshoj banesë me qira në lagjen "Mati 1" përball "Super Vivës", me sipërfaqe mbi 50 m2, kati dytë me ngrohje, klimë, ashensorë etj, çmimi 200 €uro. Tel: 044-185-233.

► Lëshoj banesë me qira garsoniere në Ulpian kati i parë, posedon tre shtretër dhe e mobiluar. Preferohet për studenta ose studente, një qift apo të tjerë. Çmimi është 185 euro. Tel: 044-812-875.

► Lëshoj garsonjer me qira në lagjen Ulpiana kati i parë. Banesa është e mobiluar dhe i plotëson të gjitha kushtet për banim, preferohet për një qift apo tre studentë, mund të merret për kohë të shkurt apo të gjatë. Çmimi është 180 Euro. Tel: 044-812-875.

► Urgjentisht kërkoj një banesë me qira në Prishtinë. Banesa duhet të ketë 1 ose 2 dhoma gjumi e mobiluar ose bënë edhe e pa mobiluar. Çmimi prej: 200-250 €. Tel: 045-660-188



INVITATION TO TENDER

The Business Support Center Kosovo – BSCK is implementing one of the support measures to previous returnee start-up beneficiaries through additional equipment as a response to the Covid-19 situation. The project is funded by the Deutsche Gesellschaft für Internationale Zusammenarbeit (GIZ) GmbH.

BSCK invites Bidders to submit, free of charge, and without obligation on part of BSCK, a bid on offering Tools and Equipment tailored packages divided in LOTs for 250 selected previously supported beneficiaries.

Tools and Equipment packages are divided into 35 LOTs, as per the following business sectors: Agriculture; Auto Services, Hairdressing/Barber, Carpentry/Furniture, Food Processing, Construction, ICT, Tailoring, Metal welding, Retail, and Entertainment.

Interested bidders, can send a request for Terms of Reference via email with reference number BSCK/81262908/RFQ2 in the subject line to info@bsckosovo.org.

The responsible BSCK officer will provide you with Terms of Reference (along with Tools and Equipment specifications, and application procedure) within a day.

Bidders are not allowed to contact or discuss any aspect of the tender with BSCK before closing of the tender as it will lead to automatic disqualification.

Request for Terms of Reference must be sent by e-mail to info@bsckosovo.org before 05 July, 2021.

Application deadline is on 12 July, 2021 at 16:00

Duke u bazuar në Ligjin Nr. 03/L-214 për Vlerësimin e Ndikimit në Mjedis, Neni 20, pika 2 dhe 4, Kompania "K-Servis" Sh.p.k. Prizren, në bashkëpunim me Ministria e Mjedisit, Planifikimit Hapsinor dhe Infrastrukturës, organizojnë:

DEBAT PUBLIK

Për Raportin e Vlerësimit të Ndikimit në Mjedis për Pikën e karburantit në Prizren.

Njoftohet publiku i interesuar se më datën 13.07.2021 në ora 10:00 në zyret e objektit K. Servis i cili gjendet në rrugën Besim Shala pn. në rrugën Prizren- Nashec, do të organizohet debat publik nga Kompania "K-Servis" Sh.p.k. Prizren në bashkëpunim me Ministrinë e Mjedisit, Planifikimit Hapësinor dhe Infrastrukturës.

Debati publik do të organizohet për Raportin e Vlerësimit të Ndikimit në Mjedis për Pikën e karburantit në Prizren.

Debati Publik do të organizohet edhe në mënyrë virtuale në platformën ZOOM

Platforma zoom

<https://us04web.zoom.us/j/3551128793?pwd=b252S1MvQmpha1o3bW8vckxadVorQT09>

Në linkun e mëposhtëm mund të gjeni raportin e VNM-së për kompaninë "K-Servis" Sh.p.k. Prizren, për Pikën e karburantit në Prizren.

https://mmphi.rks-gov.net/dokumentet_dhe_publikimet/279/publikimet

Pjesëmarrja e juaj na ndihmon në implementimin e projektit.

